





新編古今姓氏通華韻丁集第一卷

臨川布衣洪景修進可編



先絳群 先丹木

先軫食采為原軫先都

先且居

先穀

先虞漢人

鮮鮮于 鮮卑

鮮思明蜀王李壽以為司空

千

千獻漢蜀群都尉

編

編訖東漢歷律志 風俗通

邊 陳晉子姓宋公子生公子御戎字子邊 金城以王父為氏

周大夫邊伯

邊印宋大司徒 昭公二十二年

邊鳳漢京兆尹郡人曰前有趙張後有邊延 漢兵篤傳

邊韶字孝先後漢教授生徒數百人韶一日假寐弟子嘲曰邊孝

先腹便便懶讀書但欲眠韶曰邊其姓孝先其字腹便便五經

笥但欲眠思經義寐與周公同夢靜與孔子同意師而可嘲出

東武劉燕庭氏校鈔

何典記後拜中順大夫東觀著作 東漢

邊讓字文禮大將軍何進召署令史若詹射辭對進退以禮賓客

滿堂羨其風采蔡邕敬之曰宜在高位 漢書

邊鎬喜佛人稱邊羅漢兵克潭州惟先齋施號邊和尚從查文徽

克建州俘獲皆生全稱邊佛子及拜節度使無政惟日修佛事

稱菩薩初生時也其父夢永嘉太守謝靈運來謁願托為父子

貌如所夢字康樂仕周世宗 五代史

田雁門 陳完奔齊為田氏敬仲九世有齊和九世為秦所滅

田建弟田假田儋子市從弟橫榮橫子廣項籍時裂地而王

田嬰號靖郭君封薛將城薛有客曰君聞大魚子蕩而失水螻蟻

嘉蔭錄

得意今齊乃君之水也失齊雖隆薛之城至於天無益也

田文孟嘗君父嬰文五月五日生父棄之而母舉之長而名顯諸侯文欲入秦止者千數不聽蘇秦止之文曰人事皆知之所不知者鬼事秦曰固以鬼事見君也臣過淄水上見土偶與桃梗語桃梗曰子西岸土也挺以為人雨降淄水至則殘矣土偶曰吾西岸土也殘則復西岸耳子東國桃梗刻削子以為人雨降淄水至流子而去漂漂何適也君乃止至楚受象林郢人登徒直送之不欲見公孫戍曰象林直千金傷此賣妻子不足償足下能使無行願獻先人寶劍戍入曰諸侯相印仰者悅君義慕君廉也今至楚受象林則未至之國何以待君願勿受文曰諾

東武劉燕庭氏校鈔

戍趨出至中閨文召問曰子何足以高志之揚也戍曰臣有大喜三重之寶劍一門人百數不敢諫臣獨得入諫一喜也諫行而止君過三喜也登徒直許臣寶劍文曰受之乃書門版曰能揚文名止文之過私得寶于外者疾入諫馮諼曰狡兔三窟互馮諼雍門同彼琴見曰萬歲後高臺已傾曲池已平坟墓生荆棘牧豎游其上狐兔穴其中君亦如是乎孟嘗君於邑嘆息田單為齊市掾攻平安單教宗人鐵籠傳車轄立位城潰爭城門出皆車壞為燕師所獲唯田宗鐵籠得全犇即墨齊地俱屬燕唯莒即墨未下樂毅圍之即墨大夫戰没人以單多智習兵立單拒燕毅圍三邑三年不拔燕昭王卒惠王立田單縱反間

王使騎劫代將樂毅奔趙燕師不和單令城中食必祭其先祖于廷飛鳥翔舞而下單宣言曰當有神師下教我引一卒東向事為神師宣言曰吾懼燕剽齊降卒燕師如其言城中見降者剽皆堅守不敢降又宣言曰吾懼燕掘吾城外坟墓燕師如言城中望見哭皆欲出戰怒氣十倍單身操版妻妾編於行伍簡散飲食享士令申卒皆伏使老弱女子乘城約降燕軍益急單收城中牛千餘頭衣以絳繒畫五綵龍紋束兵刃於角灌油束葦於尾鑿城數十穴夜縱牛燒其尾壯士五十驅之牛尾熱怒直衝燕軍大駭斬騎劫復齊七十餘城迎襄王子莒而入臨淄封單安平君將攻狄往見魯仲連曰將軍攻狄不能下單曰

東武劉燕庭氏校鈔

臣以即墨遺卒破萬乘之燕今攻狄不下何也上車不謝而去遂攻狄三月不下聞謠云大冠若箕長劍拄頤攻狄不克下壘枯丘單問仲連對云將軍在即墨坐則織蓍立則伏為士卒倡當此將軍有死之心士卒無生之意所以勝燕今將軍東有夜邑之奉西有淄水之孀黃金橫帶馳騁乎淄澠之間有生之樂無死之心所以攻狄不下明日厲氣循城立於矢石間援枹鼓之狄乃下

田穰且齊景公時燕晉交侵齊師敗績晏子薦穰且文能服眾武能威敵召為將穰且曰臣卑賤願得大臣將軍景公命莊賈往穰且與賈約曰日中會軍門賈驕貴親援左右留飲夕乃至穰

且曰將受命則忘其家臨軍約束則忘其親援枹鼓之則忘其
身今敵國深侵邦內騷動士卒暴露寢不安席召軍正問曰軍
法欺而後至者云何對曰軍而欺後至者斬乃斬莊賈以徇三
軍按行士卒次舍井竈飲食問疾醫藥身自撫循三日而動兵
士爭卒爭奮晉師聞之罷去燕師度水而解穰且追擊復邦內
所止境土自是齊威王用兵一放其法而諸侯朝齊乃令大夫
追論古者司馬兵法而附穰且於中名曰司馬穰且兵法
田釐子陳完五世孫為大夫取賦稅於民也以小斗受之予民粟
也以大斗行陰德於民齊景公勿禁由是人心歸田氏乞相齊
專政其子常為成子修釐子之政以大斗貸民以小斗收之政

東武劉燕庭氏校鈔

歸成子常卒子盤襄子生自莊子生太子公和與文魏侯會濁
澤求為諸侯請于周天子命和為齊侯和生桓公午生成王而
齊康公卒無後其奉邑盡入田氏威王烹阿大夫對即墨大夫
齊大治

田子方魏文侯師之太子擊遭子方於道下車伏謁子方不禮太
子曰富貴驕人乎貧賤驕人其富貴者安敢驕人國君而驕人
則失其國大夫驕人則失其家失其國者未聞有國待之者失
其家者未聞有以家待之者若貧賤者言不用行不合則納履
履而去馬往而不得貧賤者哉子方出見老馬御者曰罷不任
故鬻之子方曰少盡其力老棄其身仁者不為也命以束帛贖

之子方得白狐裘以遺子恩

田橫僖從弟也兄榮俱豪傑齊宗強行人心陳涉亂僖自立為齊王章邯殺之齊人立田假為王田榮逐假而立僖子市為王榮相橫之王齊三年漢酈生說廣罷歷下守備韓行入齊廣橫烹酈生楚遣龍且使來救齊韓信虜田橫橫聞廣死自立為王走梁歸彭越韓信殺龍且平齊地橫與徒屬五百人居海島中漢詔遣使諭橫曰來則大者王小者侯不來加誅橫與客二人隨使者乘傳詣洛陽至尸鄉既謝使曰人臣見天子當洗沐止舍語二客曰漢不過欲見我面乃自頸令二客奉其首隨漢使奏之上流涕拜二客為都尉既葬橫二客乃穿塚傍自頸從之高

東武劉燕庭氏校鈔

帝驚以橫客賢者復召海島中五百人皆自殺以是知田氏之得士也橫自殺後賓客不敢哭感而作歌以寄情今世挽歌自橫始韓愈祭之以文曰士有曠百世而相感者余不自知其心何非今世之所稀孰為使予歔歔而不可禁余既博觀乎天下曷有庶幾乎夫子之所為

田叔好劍喜任俠漢廷無出其左右者拜漢中守漢文帝召曰公知天下長者乎叔曰雲中守孟舒長者田千秋一年悟上意旬月取宰相互車姓

田蚡漢景帝皇后母弟也竇嬰為大將軍蚡未貴往來侍酒所跪

起如子姓姓生也若已所生子也蚡後為太中大學盤于諸書盤于者孔

甲盤于二十六篇于或作孟武帝立蚡為帝舅封武安侯六年拜相蚡能下賓客進名士或薦人起家至三千石權主上延譽儒者

五大夫 前漢本傳 馮座事

田向治經義通易諸易家皆祖其說列漢儒林

田鳳為尚書郎入奏事儀容端正靈帝目送之曰堂堂乎張京兆

田郎

田延年河東太守行縣至平陽召故使五六十人令曰有文者立

東有武者立西尹翁歸後至伏而不起曰翁歸文武兼全未有

施設詳見 西漢酷吏傳 后

田饒事魯哀公不知見饒曰君不見雞乎頭戴冠文也足附距富

東武劉燕庭氏校鈔

也見食相呼仁也見敵敢鬪勇也守夜不失時信也有此五德而君輕之以其從來近也鴻鵠一舉千里止居園池食君稻糧魚鱉無此五德而君貴之以其從來遠也臣請鴻鵠舉矣公曰止吾書子之言饒曰不用賢士何書云遂去之燕

田開疆齊景公蓄豎田開疆公孫接古治子三人見晏子不起晏子以計去之乃饋二桃於景公公命三人計公功而食公孫接曰一搏特猥再搏猛虎若接之功可以食桃矣開疆却伏兵士三軍者再若開疆之功可以食桃矣古治子曰吾嘗從公濟河鼃御左驂以入砥柱之流吾潛行逆流百步九里取鼃殺之得左驂左操馬尾右挈鼃頭鶴躍以出律必若治之功乃可以食

桃而無與人同也二子恥功不及而自殺古治子亦自殺晏子春秋諸葛亮梁甫吟二桃殺三士

田貢京兆人三兄弟同居堂前有紫荆三株共根華盛一日田氏兄弟分財折吾紫荆一夕枯兄弟感而復合紫荆亦復榮

田承嗣唐代時魏博節度使上以皇女永樂公主與其子田華結昏郭汾陽遣使至承嗣拜使者曰承嗣此膝不屈於人若干年矣

田仁會雍州進士制科平州刺史歲旱自曝請雨而稔郡人歌曰父母育我兮田使君挺精神兮天上聞中田致雨兮山出雲倉廩實兮禮義興使君常在今不患貧遷拜都尉金吾將軍

東武劉燕庭氏校鈔

田廣明字子公鄭人淮陽太守連擒獲大姦遷大鴻臚漢酷吏傳田延年字子賓初給事大將軍幕府拜河東太守鋤毫豪強入為大司農霍光議廢昌邑王延年按劍廷叱群臣即日議決後坐罪田廣明曰春秋之義以功覆過當義廢昌邑王時非田子賓大事不成大將軍曰延年誠勇士發大議時震動朝廷光因以手撫心曰使我至今病倖

田疇字子泰讀書繫劍曹以討伐功封亭侯 三國魏志

田弘字廣路周文帝牙爪之任累功授原岷二州刺史子仁恭字長貴孝友之名父喪負土成墳廬墓隋文帝詔旌門閭

田弘正字安道初名興繼田委安為師元和年以魏博六州版籍

歸朝憲宗賜名弘正授以魏博節度使及王承宗叛上召弘正以全師壓其境承宗歸命弘正表於朝獻隸二州李師道叛上詔弘正進討師道大將劉悟再遇再北悟乃斬師道首降弘正取十二州以獻功加司徒同平章入朝上勞曰魏人樂卿之政四隣畏卿之威為唐長城朱紫滿門榮冠當時性全忠孝好立功名起樓聚書萬卷子布字敦禮弘正令其總親兵師平淮蔡布凡十八戰破凌雲柵下邳城以功授御史中丞淮蔡平弘正成德軍節度使布河陽節度使父子同日拜命天下以忠義多田氏布省冗將募士寬賦勸農人安其政卒諡曰孝諸子皆方面才以忠義當時所高韓愈作沂國公先廟碑

東武劉燕庭氏校

田梁丘杜甫詩贈田九判官唐

田豫字國讓并州刺史清約儉素賞賜散與將士拜振武將軍外國私遺簿藏於官

田駢好談論時稱天口三國魏志

田巖游嵩山唐高宗徵授太子洗馬無所規益蔣儼以書責之上營奉天宮命田居左天子書曰隱士田巖游宅對高宗曰臣泉石膏肓烟霞痼疾拜崇文館學士唐書

田重進以戰功拜靖難軍節度使移鎮成德軍永興軍太宗在藩陽邸賜之酒炙重進不受曰為謝晉王我知有天子耳

田錫字表聖嘉州洪雅人進士及第拜左拾遺上疏五事知相州

睦州知制誥直言極諫太宗不堪錫從容曰日往月來養成聖性端拱二年奏事忤宰相出知陳州召知制誥上奏河西力役生民重困出知秦州召對奏御覽三十卷御屏風五卷上詔褒美錫覽天下章奏有民飢盜起及詔敕不便者條奏之貞宗謂田錫得諫臣體拜右諫議大夫卒贈工部侍郎年六十四

田告字相直從陳希夷學詩尤精太祖詔詣公車會河決告推鯨禹之治著禹績經三篇決意高蹈筮之遇睽自號睽翁學者數百人桑惟翰計衮其高第弟也淳化年韓玉薦之上召赴闕卒有文四十八篇又有睽翁別傳

田况字元鈞京兆徒信都舉賢良方正拜右正言起居注知制誥

東武劉燕庭氏校

陝西宣撫龍圖學士知陳德軍秦州渭州益州丞禮部侍郎嘉祐三年樞密守成都尚寬和去苛細進儒素戢姦暴以德化人不忍欺時謂况有張重屋之明王文康之程文簡之肅韓忠之愛拜三司使金穀利害罔不備舉有副使不通曉時號皮燈籠有以况通明稱為照天蠟燭

田豹互索姓

田仁安任衛將軍舍人家貧無錢用以事將家軍家監使養齒馬仁曰不知仁哉監也安曰將軍尚不知仁何乃家監也詔選將軍舍人為郎青取舍人富者具鞍馬絳衣王劍奏之少府趙禹曰詔選舍人上欲觀將軍得文武士今取富人子無智略如木

偶人禹悉召諸舍人問之唯仁安兩人可衛青不得已以名聞
上詔問仁對人曰提桴鼓立軍門使士大夫樂死戰仁不及任
安安對曰決嫌疑定是非辨治官使百姓無怨安不仁及田仁
武帝使任安護北軍使田仁護邊田穀於河上安遷益州刺史
仁丞相府長使仁上書請刺史舉三河河南河東河內拜仁丞
相府司真仁安俱立名天下漢田叔傳

堅 潁川

堅 鄧字子伋漢光武拜揚化將軍對合肥侯中興雲臺二十八將
與士卒同勞苦身先矢石東漢

堅 俊蜀羅江都尉

東武劉燕庭氏校鈔

弦 春秋弦子國在光州代弋陽軟縣東南楚滅弦

弦 高犒晉師僖公三十三年

弦 晉人

涓

涓 子齊人餌木隱宕山能致風雨著琴心三篇有條理焉稽康琴

賦曰涓子宅其陽見列仙傳

蛸 任克切

蛸 子名淵楚人老子曰門人著蛸子書見漢藝文志

綿 晉大夫采綿上因氏焉後魏河南官氏志稱綿氏

綿 思晉張方之腹心

綿駒處於高唐而齊右善歌孟子

燕范陽 周武王封召公奭於燕自奭傳國四十二世至王喜為秦所敗後以國氏南燕亦以國氏

燕伋字思 秦人贈漁陽伯封汧源侯贊曰師席高振大成是集至道克傳賢達斯執善政去衰儒風可立漁陽之士得政而及燕姑鄭文公妾夢天使與己蘭曰以是為而子以蘭有國香左傳宣公三年

燕倉漢功臣封宜城侯漢史

燕瑗後漢中郎漢史

燕鳳好學博綜經史習陰陽織緯魏明成帝聞其名以禮致之拜

東武劉燕庭氏撰

左長史參國事道武行臺尚書上甚加器重明元時入講經筵出議朝政北史

燕營字公貴隋州總管隋史

燕肅字穆之青州進士巧心創物造周公指南車又製蓮花刻漏其製甚精累遷監御史龍圖侍制判太常寺正雅樂之穎州鄧州禮部尚書致仕子度官右諫議大夫宋朝

燕達字逢辰開封府人起身行伍又喜讀書手不釋卷守廊延秦鳳榮州防禦使貶敗交趾之舟師拜武康節度使有戰功諡毅敏公宋朝

鄆

馮將師為右領 春秋昭公二十七年

然 鄭七穆子然姓苑云蒼梧有然姓望山陽

然明鄭大夫醜茂

然丹字子華楚右尹

延 延陵季子之齊又後魏河南官氏志可地延氏改延氏 延

州來季札昭公二十七年

延琴 後漢

延篤字叔堅南陽人受左氏傳文章名京師舉孝廉拜議郎著作

東觀從京兆尹初邊鳳京兆尹郎中語曰前有趙張二王後有

邊延二君論仁孝二致同源李文德謂公卿曰延叔堅有王佐

東武劉燕庭氏校鈔

之才奈向屈千里之足 後漢

纏 纏子著書 藝文志

騫 風俗通閔子騫裔

騫彊晉平陽太守望金城人

騫綸金城人前梁

騫包西秦博士

騫味道 唐

牽 姓苑 冀州武邑有牽氏

牽招字子經雁門太守教民戰陣簡選才識邊境安靖二子嘉弘

猛毅有父風以隴西太守伐蜀有功拜振威護軍將軍

牽秀字成叔博辨有才弱冠得美名補新安令振腕慨慷曰居司
真之任當激濁揚清 晉史

錢 彭城 顓頊曾孫陸終生彭祖殷末七百餘歲恬靜養神若補導
之術或云進雉羹於堯堯封成歷夏殷周八百歲其子孚為周
錢府上士以官為氏馬氏錢戰國隱士

錢產秦御史大夫其子孫居下邳

錢鳳字世儀王敦謀主溫謬為勤敬以深相結聲譽曰錢世儀精
神滿腹鳳甚悅之丹陽尹君缺敦以問嶠嶠曰無如錢鳳鳳又
推嶠除嶠丹陽令至速建康盡以敦逆謀告上與庾亮共謀討
敦 互溫姓

東武劉燕庭氏校鈔

錢起吳興人唐天寶進士考功員外詩人郎士元並稱錢郎起湘
靈鼓瑟詩曲終人不見江上數峯清青起附盧綸傳詩人有後
盧綸錢起子徵 唐書

錢徵字蔚章及進士第穀城令王郢以財餽僑士湘客郢坐罪觀
察使樊澤視其簿書徵無有澤乃署徵掌書記王師伐蔡時雨
雪凍徵先冬給衣絮一軍大說翰林學士號州刺史拜禮部侍
郎宰相段文昌李紳以書諉楊渾之等求科第渾之楊憑子納
秘帖右書於文昌求徵不從文昌奏貶徵江州刺史時楊汝士
勸徵出二相私書以直徵曰無媿於心安用辯正取文昌書焚
之孔戣荐徵江號治績入拜工部侍郎華州刺史州有牛田錢

百萬刺史以供飲晏贈鉤徵曰此農耕之備者命以伐貧租入
文宗召拜尚書左丞致仕年七十五子方義字可復方義官太
子賓客方義子翊字瑞文官至制誥中書舍人貶撫司州馬徵
與薛正倫魏弘簡友善二人先沒徵撫其幼孤至婚嫁憲宗元
和翰林穆宗時私書豈士君子所為焚其書 唐書本傳

錢璆字具美以鄉兵破黃巢唐莊宗授以節度使名所居曰衣錦
營升為衣錦城璆宴故人父老以錦綉衣林木作衣錦還鄉歌
曰三節還鄉衣錦衣父老遠來相追隨斗牛無字人無欺吳越
一王駟馬歸引兵屯浙東地名八百里謂行道者後有人問告
曰臨安兵屯八百里矣巢聞不敢向臨安又以八都兵破劉漢

東武劉燕庭氏校

宏并越州盡奄有浙東為吳越王傳文穆王元瓘入宋璆諡武
肅王文穆之子佐卒弟侗廢做鎮浙東

錢俶字文得父元瓘俶自鎮浙東佐卒侗廢乃渡江襲位漢授東
南兵馬元帥金印玉冊鎮海軍節度使宋開寶年封其妻孫氏
賢德順穆夫人俶夫妻入朝賜劍履上殿加妻尊號吳王妃遣
歸國以黃絹封文字一幅今到國視大祖面諭曰知公忠順朕
在公長有東南到國啓封皆晉王宰相以下請留俶上表謝太
平興國來朝請以國屬有司太宗改封淮海王賜禮賢宅錢氏
傳五主四十八年俶天成四年八月二十四日生端拱元年八
月二十四日卒年六十冊封秦王諡忠懿俶位書令太師四十

年七子惟濬惟治惟渲惟灝惟潛惟演惟濟惟治左驍衛上將軍惟潛左龍武將軍惟濟保軍圖後諡忠惠惟濬字巨川建武軍節度使改鎮海鎮東兩鎮節度使從政江南加平章侍中鎮淮南山東封蕭國公中書令封追封汾王諡安禧惟演字希聖遠山詩高為天一柱秀作海三峯拜左神武將軍咸平年獻文章拜大僕卿制誥翰林學士刑部侍郎與丁謂聯姻惟演女弟適后戚劉美仁宗惟演兵部工部尚書樞密宰相馮拯以惟演為平章獻明肅后姻家除保大軍節度使知河陽加同平章判許州鎮崇信軍卒惟演富貴好學有文章與楊億劉筠齊名其家書伴秘府初諡文改思改文僖公子暄實文閣侍制暄子景臻

東武劉燕庭氏校鈔

尚仁宗女許國公主拜左領衛大將軍附馬尉少師節度使封康國公生忱官少師忱子端禮參政蘇軾表忠觀碑述錢氏事錢易字希白惟演從兄試進士日中三題俱就有司以輕俊黜之蘇易簡曰李白才也擢賢良方正惟演拜相希白草制本朝惟曾南豐兄弟如座主拜相門生草制前代有之易翰林學士卒慶歷年易二子明逸字子飛彥遠字子高相繼擢制科年值二蘇同擢制科為衣冠盛事彥遠謝雲雨之間相繼者父子十年之內並進者兄弟希白從孫藻皇佑年登制科謝云十年三第屢中主司一門四人無忝祖列錢明逸兄弟父子俱制科太常博士殿中丞通判亳州右正言人賢院希陳執中章得眾意

劾奏杜衍范仲淹富弼三人同罷致左右諫知制誥翰林學士
知開封府召翰林侍讀學士懋知蔡揚青鄆曹永興軍六郡卒
錢彥遠太常博士直集賢院卒子勰字穆父賢良方正中書舍
人知開封府給事中元祐八年龍圖學士知開封府侍讀知池
州卒元祐黨籍

錢藻字醇夫武肅王五世孫登制科英宗除秘書上書請太后還
政神宗除知制誥直學士院樞密學士知開封府翰林院侍讀
學士卒

錢昆俗之吳越王侗之子從倣入朝昆易就科舉及第國朝以通
判監州昆來補郡曰但求有蟬無監州處歷知廬亳泉亳梓壽

錢氏家傳

許七召右諫議大夫秘書監致仕有文集

錢熙泉南才逸之亡進四夷來王賦太宗擢館職有三酌酸文云
渭濱凝碧早拋釣月之流商嶺排青不逐眠雲之各客年年落
第春風徒泣於遷鶯處處羈游夜雨空悲於斷雁

錢昭度獲赤烏白兔自通利軍表獻云烏乃陽精兔為陰象著火
德蕃昌之慶示金方馴伏之祥希世之珍同時而至蘇易稱賞
錢若水字澹成河南新安人華山見陳搏圖南疑其有仙風道骨
曰明日再求若水如期往麻衣道者與陳搏壚弟熟視畫炭寫
做不得三字曰急流中勇退人也若水雍熙及第至道年樞密
以母老求出之天雄軍巡撫陝西鄧州觀察使知并州卒年四

十四初為同州推官太守褊急臆決事有富民失女奴父母訴
州命錄參鞠其事錄參嘗貸錢富民不允乃鞠劾富民父子殺
女奴棄尸水中誣服獄具州官審覆無反異若水有疑留案久
不決錄參詣若水廳詔曰欲受賄出死罪耶若水笑而謝今數
人當死安可不熟觀獄又留旬日若水詣州屏白太守曰密訪
求女奴今生得之若水密送太守召奴父母問見汝女能識否
答曰識曰簾中出示其父母泣曰是也乃引富民父子數人釋
放富人泣曰微知州滅族矣知州曰推官之賜富人趨推官謝
若水閉門其家飯僧為若水祈福知州欲奏其功若水不願曰
但求獄情無冤論功則置錄參何地太宗擢知制誥二年樞密

東武劉燕庭氏校鈔

李繼隆與運使盧之翰有隙以芻粟事陷之奏立上立召中使
付三亟馳驛取盧之翰竇玘等三人首丞相呂端樞使柴禹賜
不敢言惟樞副若水諫上怒入內若水獨留上令視廷報云有
瘦而長者立馬上語之曰汝以同州推官再朞為樞副謂汝賢
乃不才如是留此何俟對曰臣待罪二府當竭愚忠不避死以
報上恩李繼隆外戚貴臣今上據一幅奏疏誅三運使天下未
知其罪乞下有司鞠驗事狀明白加誅未脫上意解召呂端等
具奏請若水言先責狀三人免死黜為行軍副使而繼隆罷招
討知秦州若水事繼母孝風流儒雅能斷大事輕財好施推誠
待物委任僚佐總其大綱汲引後進推賢重士胸中豁如也貞

宗幸大名府若水奏書曰用兵代謀為上御將用法為先上重其儒臣知兵拜鄧州觀察使知并州卒諡宣靖公

錢郎字中道開封府人熙寧進士官龍圖學士知宣州歷鄜延環慶興仁太守原使上書詆童貫謫永州致仕諡忠定公楊時誌其墓宋

連

上黨 馮翊

白水縣有連氏

漢複姓六西秦丞相出建乞都

後魏官氏志南方有連氏改雲氏是連氏改連氏 費連氏改費氏 綦連氏改綦氏 赫連氏為六也

連稱齊使連稱管至父戌葵丘瓜時而往及瓜而反左傳莊八年連舜賓隨州應山縣人歲飢出穀萬石濟荒連及鄰國歐陽永叔

東武劉燕庭氏校鈔

奏表其墓 宋朝

宣

雲陽

魯大夫叔孫宣伯後一云宋宣公裔

宣 鄴後漢司空

宣 堯後漢安南侯

宣秉字巨公漢光武拜御史中丞詔中丞司穎校尉尚書令會同時各專席坐京師謂之三獨坐光武美其節嘆曰楚國二龔不知雲宣巨公常居衣布蔬食瓦器

全

京兆姓苑云吳郡錢塘全緩 漢儒林傳

全 柔後漢丹陽都尉子琮

全 琮字子璜父柔合以米數千石往吳市易琮散施之空船歸父

怒琮曰所市非急而吳士大夫方知倒懸之急敢便以賑贍不及啓告父竒之琮持節九江太守遷桂陽太守拜大司馬為吳志亮后 三國吳志

全璧吳司馬

全綏字弘立錢塘人通易學兼莊老當世言玄學者咸推之南史儒林傳

泉 姓纂云全暉仕魏封南陽侯食采白水遂姓泉氏

泉公雍州刺史豪右不敢犯後拜僕射志廉謹每除官憂形於色洛州刺史封山洛侯公子元禮工草隸書洛州刺史弟仲遵梁州刺史清白名家

東武劉燕廷氏校鈔

泉獻誠唐右衛大將軍

泉男生高麗蓋蘇文子也字文德唐高宗授平懷行軍總管儀鳳二年安撫遼東勒碑紀功唐史

顓 顓史風姓伏羲裔 或為顓氏 或為史氏

顓頊 顓孫 顓和

玄 太元女列仙傳

鱣

鱣鱣設諸亦曰專諸吳刺客見春秋

顛 周臣太顛裔

顛頡晉大夫春秋

權 天水

殷武丁封權國在江漢間南郡當陽縣權城周末入楚
楚武王使鬬緡尹權楚入秦子孫居天水略陽符秦安邱翼又
六世平涼公文誕為唐上庸太守荊州都督長史韓愈權德輿
墓誌

權會字正理鄭氏易詩書二禮文義精微該洽仕齊遷國子博士
齊史儒林傳

權武勁勇拜大將軍潭州總管

權景宣子暉遠南陽太守百姓立碑頌德總戎薄伐成克敵之功
布政莊人垂稱職之譽其國之良翰歟從周文帝拔沙苑拔弘
農先登陷陣北史

東武劉燕庭氏校鈔

權萬紀京兆人唐太宗治書侍御史魏證言其以訐為直以讒為
忠房玄齡王珪掌內外官考萬紀劾其不平上以不阿近貴獎
之又言宇文智賊殺其君其子任千牛衛請斥屏以懲不軌唐
權懷恩萬紀族孫遷尚乘奉御有馭者安畢羅見上不敬懷恩杖
之四十上曰良吏也擢萬年令賞罰明允時人語曰寧食三斗
麩莫遇權懷恩每盛妻子不敢仰視歷五郡刺史所居赫然有
威名

權倕秦州人平涼公曾孫藝學與蘇源明相善卒官羽林參軍贈
尚書禮部子臯字士繇及第安祿山辟幕府察其反情遂逃去
天下知名顏真卿表克行軍司馬召拜起居舍人固辭曰潔身

嘉蔭錄

亂世以全吾志欲持此求名耶韓洄王定友善謂臯可宰輔師保李華曰分天下善惡一人而已贈太保子德輿

權德輿字載之三歲通字四歲四聲能詩德宗召左補缺貞元關東淮南浙西大水德輿奏宜選郡臣明識通方者持節勞問知制誥中書舍人禮部上書言事元和年拜尚書同平章善辨開詩陳古今覺悟人主輔相寬和不察察為明思積經術無不貫綜自始學至老未嘗一日去書著論辯漢所以亡者西京以張禹東京以胡廣得輿文章雅正唐世公卿侯王功德卓異者皆所銘紀貞元元和間為紳縉羽儀云韓愈銘曰羸劉之間甘泉始侯以及安丘詆訶浮屠皇極之扶女壻獨孤都翰林學士

東武劉燕庭氏校鈔

權長儒坐時事抵罪其母年老丐其子以養上問宰相崔群曰宜即遣中使諭旨免死於此見崔群 怒 互崔群

權秀才序伯樂之廐多良馬卞和之匱多美玉卓犖環偉之士宜乎游大人君子之門也相國隴西董公既平汴州天子命御史大夫吳都男為軍司馬門下之士權生實從之來權生貌固若常人其文詞引物連類窮情盡變宮商相宣金石諧和寂寥乎短章從容乎大篇如是者閱之累日而無窮焉愈觀皇都每年貢士千餘人若權生者百無一二焉如是而進之明有司又重之以吳郡之知其有成哉於是咸賦詩以贈 昌黎集

權邦彥字朝美河間人其父曰真名家駒一日千里崇寧上舍及

第青州教授太學博士國子司業奉使契丹回知陽州召真微
猷閣知冀州天章侍制知東平府知江州明州建康府淮南江
浙荆湖制置無部尚書樞密參政卒官年五十四葬徽州婺源
官其男人七人宋朝

拳

拳彌衛大夫 春秋

新編古今姓氏遙華韻丁集三卷至四卷全

東武劉燕氏校鈔

新編古今姓氏遙華韻丁集第四卷

臨川布衣洪景脩進可編

蕭

蕭陵宋樂叔南宮萬立御說以功封蕭漢蕭何其後也漢侍中蕭
彪元孫望之居杜陵至紹還蕭陵十一世孫整渡江居廣陵

蕭何漢高祖布衣交入咸陽收秦丞相圖書律令藏之沛公具知
天下阨塞戶口強弱之處奇韓信薦為大將定天下蕭何功第
一封鄴侯贊曰蕭何曹參秦刀筆吏當時碌碌未有奇漢興依
日月之末光謹守管鑰為一代之宗臣賜劍履上殿文選云何
昂宿之精互郡平

蕭望之字長倩好學治齊詩書后倉十年以令詣太常僕射受業
甲科宣常拜謁者補平原太守望之雅意在本朝徵入守少府
為左馮翊代丙吉御史大夫左遷太傅元帝拜前將軍弘恭
顯奏望之堪更生等免為庶人後上詔前將軍望之傳朕八年
道以經術厥功茂薦焉賜爵關內侯給事中上方倚以為丞相
會其子伋上書訟前事有司奏之飲鴆自殺子八人育咸由三
人至大官其疏曰附枝大者賊本心私家盛者公室危甘露三
年圖形麒麟閣

蕭育字次君以父任為茂陵令課殿最第漆令郭舜課殿坐責問
育為請扶風君怒曰君紅諫第六裁自脫何為人請召詣曹以

東武劉燕庭氏校鈔

職事對育出徑書左牽引育按佩刀曰蕭育杜陵男子何詣曹
也遂趨出欲去官明旦詔入拜司隸校尉守大鴻臚為扶風古
誅賊梁子政哀帝時南郡江中多盜拜南郡太守與陳咸朱博
為友時以方王陽貢禹 語曰蕭朱結綬王貢彈冠

蕭史善吹簫秦穆公子弄玉嫁蕭史登樓吹簫作鳳鳴感鳳凰來
吟以仙去穆公以作鳳凰臺今洪州西山洪匡鄉有蕭仙臺史記

蕭道成受劉宋禪為齊高帝傳明帝東昏侯和帝六主二十六禪生

於

蕭衍王儉曰蕭郎年出三十貴不可言年四十八即梁武帝位壽
八十六侯景逼餓死臺城凡三捨身為佛家奴傳簡文帝元帝

敬帝四世五十四年

蕭統武帝子為昭明太子集古今選至譽為梁王追尊昭明文孝皇帝廟號高宗謚曰文孝池州廟食

蕭文琰於竟陵王子良坐刻燭一寸為詩四韻文琰與擊銅鉢立韻響盡詩成

蕭介字茂鏡梁武晏臣下命賦詩臧盾詩不成罰酒一斗盾色不變介詩染翰立成文不加點上曰盾之飲介之文席上之美也初侯景南豫州牧介奏曰凶人之惟而不移天下之惡一也昔呂布殺丁公而事董卓終誅卓以為叛劉牢之反王恭而歸晉還背晉以構妖侯景荷高觀卵育之恩觀墳未乾即反還

東武劉燕庭氏校鈔

噬逃死關西宇文不容故投身於我棄鄉閭如脫履背君父如遺豈知遠慕聖德為淮江純臣乎臣朽老不應干朝政然子囊城郢之忠史魚尸諫之節忝宗室遺老敢忌劉向之心上不用蕭琛侍晏梁投以棗琛擲上以栗御史中丞在左上曰坐上有人不得爾對曰上投臣赤心臣敢戰栗以報上悅乎為宗老

互范姓

蕭宏梁武封臨川王喜錢百萬一聚黃榜志之千萬一庫紫標志之豫章王綜作錢禺諭譏之

蕭恩話孝懿皇后弟之子外戚貴華歷守十二郡持節監督者九子惠開御史中丞益州刺史給事中曰大丈夫司喉舌出蒞方伯人生不得行志百歲猶夭也弟惠明吳興太守子暉素天

監年丹陽丞帝賜錢八萬緡一日散施親友榮利不關於中喜
怒不形於色為暨令到縣十日掛衣冠縣門棄官去謚貞文先
惠明弟惠基工隸書奕棋遷太常給事中廉退稱善子洽字弘
臨海太守弟惠休齊仕廣州刺史子介字茂鏡齊武帝曰介貧
可取一郡今始與郡久無良牧以介為始興守大著威德拜侍
中應對左右晏匡正遷都官尚書軍國大事先訪之上謂朱異
曰介端撥材也子允字叔佐晉安王鎮湘州以為長史蔡徵語
允曰公年德俱高國之元老從容坐鎮自至列位何辛苦藩外
拜光祿大夫允弟引字叔善書陳宣帝美其奏曰卿筆趣翩翩
如鳥欲飛引曰上假之羽翼耳引惟抗直不事權貴允庫部侍

東武劉燕庭氏校鈔

郎一年器械充足宦官李善度蔡脫兒等請託不行引曰吾立
身自有本末安可為李蔡屈哉

蕭摩訶字元胤以功拜驃騎大將軍訥於言恂恂長者臨敵志氣
奮發所向無前子世廉有父風南史

蕭濟字孝康以平侯景功封松陽侯

蕭敷明字景濟蘭陵人見孝義傳

蕭贊字德文仕魏齊州都督北史

蕭正表字公儀位開府

蕭祇字敬式揚州刺史梁武悅之其子希逸以孝聞父喪廬墓有
白鳥來巢庭樹時以為至孝所感

蕭泰字世怡蔡州刺史子寶字季珍隨吏部侍郎

蕭撫字智遐梁武帝以詞令可觀除中書侍郎北魏使者至梁令
撫授幣賓館仕魏上州刺史政以禮讓為本元日放獄囚歸家
三日如期至吏民感其惠化

蕭元字明恭敏而學仕周明帝拜咸陽太守遷少傅作少傅箴
蕭大園字仁顯四歲能誦三都賦孝經論語周文帝時遷開府心
樂安間每日閭閻有優游之美朝廷有簪紱之累北山之北棄
絕人間南山之南超踰世網藉織草芘長松結幽蘭援芳桂歌
纂纂唱嗚嗚可以娛神散慮北史

蕭談篤學詩書春秋禮記精漢書貴游禮敬之拜國子博士

儒林傳

東武劉燕庭氏校鈔

蕭宣梁宣曾孫少貧事母孝傭書以給隋煬帝以外戚拜羅州令
蕭瑰梁明帝於九歲封新安王國除以女兄為隋晉妃入長安善
經術著論以非劉孝標辨命論人謂足以鍼孝標膏育唐封宋
國公民部尚書太宗呼蕭朗拜特進太師上賜詩疾風如勁草
板蕩如誠識臣年七十四年陪塋昭陵子銳

蕭鈞唐諫大夫時盧文操盜庫財高宗欲致之死鈞曰恐天下謂
上重貨輕法上曰貞諫議也詔文操免死

蕭昕字中明薦張鎬來瑱並為名將相昕中博學宏詞請崇建太
學以立正教之本持節奉使回紇

蕭嵩父瓘嵩娶賀晦僚壻陸衆先宰相子俱才名洛陽人爭趨之

相者夏營語曰君貴極人臣然不及蕭郎位高年艾時嵩未仕
姚崇稱其必遠到玄宗拜西河節使度以功拜中書門下三品
中書令大師徐國公告老薦韓休上曰吾未厭卿嵩曰蒙恩宰
相爵位已極上未厭臣故得從容引去若厭臣則首領不保安
得自遂子衡尚新昌公主嵩妻入上呼親衡以上公主官三
品就養子華工部侍郎嵩年踰八十天寶八年卒如夏營所言
蕭衡子復字履初生戚里以清操顯名德宗幸奉天拜平章正言
極諫出為山南東西道荆南湖南江西道鄂岳浙東西福建
南嶺等處宣慰安撫使貶饒州子湛湛子寘咸通中拜相無顯
功史逸其傳寘子邁字德聖

東武劉燕庭氏校鈔

蕭華二子恒悟悟子俛字思謙襲封徐國公悟子倣字恩道俛為
中丞劾奏王播纖佞不可污台鼎

蕭倣字恩道唐僖宗宰相居相位對賓客而曾孫愿尚幼戲學宰
相傳呼聲倣曰不敢以得位為喜所喜者奕世壽考吾今又見
曾孫倣子為梁朝宰相贊曰梁蕭氏興江左為功在民餘祉
及後嗣自禹迨邁八葉相宰名德相望與唐盛衰世家之盛未
之有也唐書本傳

蕭穎士四歲能文十歲補太學生開及弟對策第一父是有罪穎
士訴於府佐張惟一曰是有家兒赦其罪穎士恃才傲物一日
携酒郊行獨酌逆旅雨驟至有紫衣老人一童偕來避雨穎士

嘉蔭錄

不禮少頃車馬至老人上車呵殿而去乃吏部尚書王丘明日
穎士往謝王丘曰與子非親屬不欲庭訓子自負文名居傲如
此一弟止乎穎士學通百家譜係籀盧異等師之稱蕭夫子李
華齊名曰蕭李倭國入朝奏蕭夫子為師客死汝南逆旅謚文
元先生

蕭存為吏部侍郎時韓愈受恩及過故居云中郎有女能傳業伯
道無兒可保家存女汝州為尼

蕭安有女裴筠為姻定後登科羅隱詩曰細看月輪還有意一枝
丹桂近嫦娥

蕭曠彈琴洛水上見神女曠問曰陳恩王過洛神甄后後作感甄

東武劉燕庭氏

賦神女曰吾即甄后好琴每彈悲風別鶴操玉筋滴乾乃曰陳
恩王今作遮須國王

蕭吉擇地葬隋獨孤后卜曰卜年二千十世二百乃語蕭平仲曰
太子廣曰山陵事在早立語曰卜年二千三世也世二百一再
傳也太子廣得位隋其亡乎隋史

蕭志忠附太平公主為刑部尚書其妹夫蔣欽緒諫不聽宋璟遇
志忠於公主門曰非所望於蕭君也九世卿族一舉滅之惜哉
志忠坐公主謀及誅五將姓

蕭注字巖夫臨江人侍父官康州題五龍兄弟古英名今日挈過
脫城莫向茅久盤屈早施霖雨濟蒼生孔道輔曰奇才也慶

歷登科為番禺令儂智高圍廣州注 圍出幕壯士五千人解
圍斬首五千給焚賊舟數百艘

蕭燧字照臨鄰居臨江紹興弟乾道太常丞雍熙國子司業左司
諫右諫議大夫刑部侍郎知嚴州敷文侍制知婺州龍圖侍制
樞密承旨吏部尚書資政殿大學士卒年七十有七謚正肅公
言行錄

刁

刁弘農刁勃戰國刁間齊俗賤奴而刁間貴愛之桀黠奴人必患
之而刁間收用之逐魚鹽商賈之利或連車騎交守與信任之
終得其力起貨數千萬

前漢殖貨
漢志

東武劉燕庭氏校鈔

刁存漢桓帝侍中年老口臭上賜雞舌香令含香奏事香味辛螫
存疑上賜毒藥歸辭訣家人及僚友取香省視而笑尚書郎含
香奏事自刁存始見應邵漢官儀

刁韙字子營彭城人位尚書立韓有鯁直之節出為東海魯郡太
守所在稱職

刁攸晉御史中丞子協

刁協字玄亮博文強記元帝中興拜左僕躬久官中朝諳練典故
凡制度疑事取決焉遷尚書令以耆年賜几杖劍履上殿協子
彛字大倫吏部尚書徐兗二州刺史彛子達字伯道

刁雍字叔和協曾孫北魏元明鎮東將軍徐州刺史以西土乏雨

表鑿渠灌田築城積穀詔曰刁公城作孝倫以戒上孫以其者
年日致珍羞賜劍履上殿子遵字奉國洛州刺史魯孫冲字文
朗明諸經陰陽織緯算數天文四方學徒受業者數百文謚安
憲先生

刁韜字景智涉書史通音律輕財好施交結名勝子柔字子温好
學心儀禮仕齊國子博士

刁雙字子山學涉文史西河太守政清簡吏民安之

刁約字景純丹徒人天聖二年登科嘉祐中奉使北庭還直史館
浩然掛冠不仕歸山林一時名勝宗養築藏春都塢都一郡勝
景游樂其中蘇軾有詩白首歸來種萬松侍看千尺舞霜風年

東武劉燕庭氏校鈔

雕 拋造物甄陶外春在光生萬杖履中又有哭景純詩見坡集

雕延年漢功臣封城陽侯春秋定公四年祝鮀云殷氏七族條氏
條今曹州寃勾縣有條氏何氏姓苑云安定人

條攸閔冉司空後趙錄

條理符秦都尉潁川郊縣

鈍

鈍期漢魏郡太守郡界人清平人服其威信拜衛尉封安成侯
雲臺二十八將期生丹丹生統傳封四世期字次况重信儀
戢據掠立朝廷憂民犯顏諫諍東漢

椒

椒舉楚大夫左傳昭公中山周武王封神農後於焦以國氏

出南

焦春秋虞虢其滑姬姓

晉滅焦

焦延壽以易授京房

西漢儒林傳

焦貢漢外黃令

焦舉漢并州刺史自介之推自焚縣山之山太原冬禁火人多死

舉政書介子推廟言冬禁火損人非賢人意俗乃革

後漢本傳

焦仲卿漢建安年中廬江府小吏妻劉氏仲卿母遣出自誓不嫁

其父母逼嫁再嫁赴水死仲卿聞之自頸庭樹時復之作詩云

孔雀東南飛五里一徘徊十三能織素十四學裁衣十五彈箏

東武劉燕庭氏校鈔

篋十六習詩書十七為君婦忠心常若既府為吏守節情不移

雞鳴入機織夜晝不得息三日斷五足大人故憚遲非為織作

遲君家嫁婦難為古樂府詞

焦度字文績弓馬絕倫有氣節南齊孝武帝任之左右曰貞健人

也授揚州太守

焦懷肅至孝母病終懷肅漿不入口者五日自負土成墳廬墓哭

杖然後能起

唐

焦遂唐飲中八仙杜子美郎有焦校書即遂也

焦蹈居無為君四充舉首元豐八年魁天下

宋

焦革善釀王績述其酒法為輕見王績

庶

庶公秦始皇將軍

庶宣漢太守元和姓纂超喜漢太樂令

僚

僚安晉大夫左氏博

僚祖魯寺人風俗通聊倉漢侍中著書聊子

聊

聊著漢潁川太守京兆譙隆字伯同閬中人漢景帝拜上林令以

東武劉燕庭氏撰

忠諫拜侍中

譙

譙玄字君黃巴郡人保志全高蜀公孫述聘之玄漆身佯狂退藏山林避之光武平蜀玄已卒上祠之東漢

譙周字允南好學家貧未嘗營產業讀書曉天文欣然獨笑忘寢食仕蜀授中散大夫時姜維數出兵蜀人愁若周作仇國證以諷鄧艾伐蜀漢主與郡臣議奔吳獨光祿大夫譙周曰古有寄他人國為天子者周三子熙賢同同舉孝廉令漢蜀行傳

譙秀字元彥巴西人晉隱士舉孝廉不就舉秀才又不就

晉

譙定字天授青成山隱士建炎年召至講筵授通直郎致仕年壽一百三十歲見建南詩集

譙令憲字景厚青州人父熙載甲辰登科遊縣尉嘉定年除太師知婺州

東陽出苾氏楚鬪伯比生越椒自伯琴子賁皇奔封晉苗邑在河南軹縣南 苗亭唐宰相一人晉卿賁苗賁皇左傳照五年成公十六年宣公四年奔晉

苗蒲漢長水校尉

苗訢漢王莽時人苗延嗣唐玄宗朝與呂大一崔訓賁嘉靜俱張嘉音薦進語曰今公四後 苗呂崔賁

東武劉燕庭氏

苗晉卿字元輔潞州進士歷官禮部河北采訪使政化大行魏郡立生詞刻石頌美拜左相召對延進英秉政七年肅宗乾元太博侍中自作父碑文有鵲巢碑上及賊掠上黨而苗氏松櫨無 晉卿女嫁張延賞

苗發晉卿之子官至都官負外郎大歷十才子之一附盧綸傳唐本傳

苗積唐處州刺史進負羨餘錢七百萬緡宰相崔群奏曰受之失信天下請給還處州以蠲下戶租賦

苗訓知天文宋太祖次陳橋驛訓在軍中引楚昭輔視日下復有一日黑光磨盪訓曰此天命也五代

苗振台試館職丞相晏殊宜加溫習振曰豈有三十年為老娘而
倒褊孩兒者乎及試不中晏殊曰苗君倒褊孩兒矣宋朝

苗授上黨人以父入官從王韶鎮洮立戰功築定城寧居砦收
河隍故地拜榮州刺史知河州歷鎮戎秦鳳涇源熙河等處總
管元祐年武泰軍節度使卒謚莊敏公宋朝

堯 平陽 上黨

堯曠字辟邪美容貌為將軍北魏大武擢中散從征伐出奉使克
己奉公子雄字休武輕財尚氣拜瀛州刺史民懷其恩惠北史
堯君素隋煬帝投鷹擊郎將河東太守唐太宗貞觀年詔曰君素
雖桀犬吠堯有倒戈之義然疾風勁草寔表歲寒之心可特贈

東武劉燕庭氏校鈔

蒲州刺史仍訪求其子孫以聞初隋賜君素人 券曰不降曰
吾隋藩舊臣大議所在不得不死

饒 平陽

饒威漢魯陰太守

饒斌漢漁陽太守

饒助吳襄長安 三國志

饒子儀字元禮九歲能詩王安石王補之皆期以遠大又從安定
胡瑗太山孫明復授經義既喪親遂不事舉結庵凌雲山曰葆
先建堂山麓曰素風堂曾南豐詩曰因君起我家園興寤寐思
從杖履游臨江太守王公說慕其名欲致撫州太守劉公臣曰

吾州有士如此使他往可乎侍制陳繹謫守建昌請元禮至盱
江行鄉飲酒禮欲薦之不起崇年以經明行修錫命於朝葆光
先生有著述經解史要忠蕭公陳瓘序年八十一卒臨川先賢
饒廷直字朝弼宋紹興雒郡之士朝弼建昌南城翁源人建炎兩
舉登科袁州司紹興上書通判秦州鄧州割唐鄧和金廷直先
生遣表自曰死節初與岳飛張俊虞允文趙鼎諸名勝交遊獨
立名節有百將鑑芻蕘論藏於家宋朝

饒竦撫州人熙寧年下弟詩上王安石云又還垂翅附青霄歸指
臨川去路遇二頂荒田都賣盡要錢準擬納青苗宋

饒節字德操世居臨川讀書日誦數千言既冠失怙恃西遊景師

東武劉燕庭氏校鈔

與大學名士友因見呂崇陽公子宿川以其書見海印師智月
於鄧州因門鎖悟道即裂冠禮智月為師落法髮法名如璧
崇寧五年也取祖師詩閑携經卷倚松立笑問客從何處來號
倚松道人建炎乙酉歲坐化僧臘二十四年六十五歲有詩號
仁倚松集宋

饒娥字瓊饒州樂平人父勣漁於江舟覆瓊年十四勤織哭父
水上三日不食赴水死天忽震雷水蟲皆死父勣與瓊尸俱浮
出葬於鄱水之陽樂平縣令魏仲光碣其墓建中年共陟使鄭
叔明旌表其門河東柳子厚立碑唐史

要魯國

要離吳刺客

要競漢河南令

要珍唐建中年拜朔方大將軍

昭 鉅鹿 姓苑云昭屈景楚大夫三族

昭奚恤狐假虎威見國策

昭猛漢大鴻臚

鄒若遙 京兆

鄒單字子家孔子弟子姓慕云周景王子朝裔

晁 穎川或云 大夫史晁裔

晁錯學申韓刑名為太常掌故受尚書伏生上書陳便宜詔為太

東武劉燕庭氏校

子舍人為人峭直漢文帝拜太子家令詔策賢良方正拜中大

夫景帝拜御史大夫號智囊以建議削七國而七國反歷衣朝

衣斬東市

晁清北史節義傳

晁崇字子業善天文數術北史藝術傳晁梁貞

晁佺宋中書令生三子迪字明允工部侍郎稱東眷遺字明 吏

部尚書稱西眷遺字明遠從王禹偁學登科貞宗時呂端李沆

薦遷太師封文元公稱中眷貞宗陳希議十六字紀晁氏世譜

曰宗仲端之公子百世中令文元有德必大迴貞宗大中詳符

年翰林學士與王曾戚晏度殊同殊初澶舟清豐人佺徒彭門

迴 宗慤曾孫補之

晁迴字文遠呂端李沆薦貞宗擢右真正言直史館召試翰林右
司諫知誥諫議大夫翰林學士修國史朝廷詔令皆其手筆遷
禮尚書太傅致賜晏太清樓拜中書令謚文元公楊億曰迴草
制誥無過褒得代王言體平生不喜術數或言三命迴曰自然
之分天命也樂天不憂知命也推理安常委命也是則三命何
必逆計未然

晁宗慤字世長以父任除秘書獻文章召試舍人院禮部尚書知
制誥翰林學士龍圖閣學士知開封府康定元年右諫議大夫
參政朝廷賜角厝羅金器飾胡床等宗慤奏昔仲叔於奚辭邑

東武劉燕庭氏校鈔

請繁纓孔子曰不如多與之邑繁纓諸侯馬飾孔聖謂不可輕
與陪臣今乘輿御器安可賜外臣乎慶曆二年資政殿學士給
事中卒謚文莊公

晁補之字無咎蘇軾守陽州補之通判東坡詞云獨倚胡床瘦公
樓外峯千朵與誰同坐明月清風我別乘一來有唱終須和還
知麼自從添箇風月平分破還著作齊州紹聖年謫荊州監酒
復著作吏部國史知河中府泗州卒文有雜助集一百卷

晁詠之字知道補之弟以文呈蘇子瞻云有才如此獨不令一識
面邪補揚州司法具參君禮見子瞻子瞻下堂握手以上因語
座客曰此奇才也又舉進士擢宏詞科河中府教授元符年上

書陳政事罷官詠之曾孫百設字遠元從陸象山舉明春秋淳熙進士歷仕知南康軍道州有文集

晁謙之字恭道隨龍南渡官吏部侍郎敷文閣直學士贈少保莖信州名象山

晁說之字以道蘇軾以著述科建炎年徽猷閣侍制奉詞

姚 吳興 吳郡 舜生姚墟因氏陳胡公至敬仲為田氏田豐仕漢王莽封代睦侯以奉舜祀其子恢避亂吳群姓媯氏五世孫敷仍姓姚氏

姚句耳春秋鄭大夫

姚弋仲晉成帝授西羌都督有子四十二人弋仲晉封高陵郡公

東武劉蕤氏校鈔

穆帝時弋仲疾命諸子歸晉固守成節子襄率眾歸晉詔屯譙城單騎渡淮見謝尚於壽春尚知名去棧衛幅巾迎見歡如平生襄字景國博學善談論江東人士重之屯田淮上歷陽殷浩使刺客刺之以情告襄襄戰沒

姚萇字景茂弋仲弟二十四子八符秦稱後秦王

姚察字伯審吳大常鄉信九世孫六世通書萬言十二能文隋秘書丞字思廉姚思廉父察授以漢書唐擢弘文館瀛州十八學士奉詔撰梁陳言推究綜括以卒父業唐公入京師廉侍殿上厲聲曰唐公起義本安王室若屬不冝無禮服咸服其仁者之勇仕唐諫幸成九宮

姚璿字令璋思廉孫明經及弟撰時政記以授史官時政記自璿始力學才辨拜益州刺史治蜀嚴更不敢貪暴上詔獎諭謂左右曰二千石清其身者易使吏俱清者難惟璿能兼之弟班姚班明經擢第歷六郡刺史拜詹事四上書諫太子玄宗嘉之姚洎梁翰林學士梁曰裴延裕在翰林人號下水船洎息慙姚絃謫官連州繕寫所注文百卷好事者於縣樓貯文粹官屬遣吏若之鹽水噴爛其紙火其樓

姚義受學文中字

姚鵠字英華唐詩人有早魚詩上苗晉卿

姚坦兗王府翊善王作假山極工巧坦曰不見是假山但見是血

東武劉燕民校鈔

山言皆是民膏血也太宗欲作假山聞坦此言乃止

姚南仲華州人乾元登諸科拜義成軍節使度

姚顛字伯貞長安人未仕時司空一見以女妻之後及進士弟仕梁翰林學士

姚崇字元之陝州人父懿幽州都督謚文獻公崇倜儻氣節舉下筆成章科仕武后鳳閣鸞臺平章右復辟崇嗚咽流涕張柬之相彥範曰公今日豈泣涕時也出亳州刺史事中宗睿宗玄宗講武新豐上曰卿知獵乎曰臣年二十居廣成澤呼逐張景賊謂臣當位王佐乃折節讀書上與遲逐遲速如旨上咨天下事衮衮不倦上曰卿以吾相朕崇以十事堅上心拜尚書門下三

品封梁國公拜紫薇令上幸東都太廟屋壞宋璟蘇頌曰三年
之喪未終不可行幸壞壓之變天以示教崇曰壞與行會不緣
幸而壞請上如行期魏知右崇所為薦判東都選事東都崇子
請託知右奏聞上問崇卿子何如對曰臣子多愁寡謹上曰安
知之曰知古微時臣有舊恩臣子愚以為知若不忘必以事干
之上信崇無隱而薄知古崇性權譎與張說有憾崇入朝曳踵
為有疾狀曰卿足痛乎對曰臣憂在腹心痛不在足岐王上愛
弟張說輔臣密乘車出入王家恐為所誤臣故憂之上即日出
張說相州崇疾其子盛陳貨寶以墓碑記張死姚崇制生張說
崇年七十三卒謚文獻公三子彛異奕崇析其資產諸子定分治

皇朝通志卷之

命曰陸賈石苞右達者亦皆有定分惟戒斥勿以修佛事

姚合姚勗皆崇裔孫合元和調武功縣尉遷監察御史給事中陝
貌觀察使終秘書監有詩稱極玄集勗字勤斯長慶進士歷監
察御史諫議大夫湖州常州刺史與李德裕善德裕貶海外之
困勗饋餉候問不絕勗終夔王府少傅自作壽藏萬安山南原
祖營側署曰寂君穴墳曰復肯堂刻石崇本傳

姚內斌盧龍人仕契丹為尾橋關使降周氏宗拜汝州刺史入宋
慶州刺史卒

姚兕字子武隴平干人寶隴于巡檢戰沒錄二字死事官熙寧年
夏人入口寇兕立戰功平鬼章平交趾除雅州刺史平瀘南領

忠州團練使還慶路馬步兵總管改鄜延涇原總管卒 弟麟
子雄右俱節度使 宋朝

姚麟字君瑞王韶取熙麟為熙河管界巡檢以功加內殿承制韶
大會諸將飲酒探報降羌叛目麟曰破敵者飲麟欣然滿飲一
卮被甲馳往斬首數百級還宴度尚未畢韶大喜除知德順軍
征西夏麟劉昌祚俱涇原行軍總管受高遵裕節制會兵靈武
涇原一軍進為先鋒戰必克還軍而殿紹聖年鎮涇原拜殿前
都指揮使武康軍節度使卒贈太尉麟將略沉毅多奇策立功
不自矜伐持軍律明事兄盡禮兄弟勲名重當世 宋朝

姚雄初為將女許寨主之子婚寨主亡而家貧雄為邊師赴關路

東武對秦氏墓

見浣衣問之答曰妾夫士為寨主子定姚家婚夫今亡賣餅以
給雄曰即我女也不可以寨主存亡為說即命載其母子還鎮
成婚世服其義 宋朝

姚玉京襄州衛敬瑜妻夫溺死玉京守制養舅姑其家有双燕一
為鷲所搏其一孤飛悲鳴至秋翔入玉京臂上玉京以紅縷繫
其足秋去春來者七年玉京卒葬南郭其燕飛死其墓所每
月明風清襄人見玉京與燕同遊漢水濱

摇 姓苑勾踐裔東海王摇子孫氏焉 摇母封海陽侯漢功臣
表星傳

橋 梁國姓慕黃帝葬橋山子孫守塚者氏焉

喬玄字公祖舉孝廉補洛陽尉時梁不疑為江南尹玄以公事當詣府恥為所辱棄官還鄉徵拜漁陽太守靈帝拜太尉玄語曹操曰天下亂非命世之才莫非定其在君乎勸操交結操感玄知己後經玄墓作祭文云承從容擔約之言徂役後路有經由不以斗酒隻雞相沃醕車過三步腹痛勿怨一時戲笑之語非至親篤好胡肯有此言哉

橋仁授小戴記與楊榮皆世其業漢世咸拜橋楊之學

喬北姓匈奴貴族為輔相 喬公二女國色吳孫策取大喬小喬以嫁周瑜瑜年二十四年吳市中呼周郎為策護軍領江夏太守審音樂謹曰曲有誤周郎顧策語瑜曰喬公二女流離

東漢劉基是氏也

得吾二人為婿足矣 三國吳志

喬智明字元達晉良吏以德行著為隆慮共二縣令政稱神君晉喬澤為元德秀門弟子

喬琳太原人唐天寶進士代宗大厯末擢自懷州刺司入御史大夫平章事性 率喜恢諧

喬叙字禹功以太傅換左藏知欽州施州東坡送詩曰恨無附郭二頃田空有載行五車書

喬行簡送宰相

新編姓氏遙華韻卷四之卷五全

新編古今姓氏通華韻丁集卷第六

膠

膠鬲殷賢臣孟子膠鬲舉於魚鹽之中

包上黨楚大夫申包胥裔

包膠倉漢人

包咸字子良漢明帝以師傅恩增俸祿咸悉以與諸生遷大鴻臚
進見賜几杖束帛

包愉明五經北史儒林

包愷字和樂愉弟傳兄經學史記漢書仕隋學徒數千人

吳武烈燕庭氏按鈔

包佶字幼正潤州人父融賀知章張旭張若虛稱吳中四士監察御史梁肅序秘監包公文集云唐秘書監丹陽公包佶字幼正烈考集賢院學士大理司直贈秘書監融以文名開元中公與何世共業天寶後二包孝友聞天下何居德行佶居政事皆以文為主父子兄弟有詩名見唐文苑英華

包拯字希仁廬州進士知本州不屈法詩曰直十終為棟貞剛不作鈎知招信軍有訴盜割牛舌公命歸屠牛又有告私宰者公命割其牛舌又告其殺耕牛者其人杖咸稱神明知端州不持一硯歷監察御史知諫院以唐魏徵三疏錄上奏仁宗置座右為龜鑒拜龍圖待制知開封府京師關節不到閭羅包老自御

東武劉燕庭氏校鈔

史中丞歷三司樞密諫議謚孝肅性嚴未嘗笑皆曰包希仁笑若黃河拯奏罷斜務谷造船材木十萬罷七州河橋竹索數十萬奉使河北奏牧馬占邢洛趙三州沃壤一萬五十頃賜貧民耕知諫院奏罷張堯佐宣徽景靈二使允利用事俱奏行之

茅東海周公字茅叔封茅國後為茅氏

茅夷馮謚成子邾大夫見春秋哀公七年

茅焦齊客始皇以嫪毐事徙太后於雍諫而死者二十七人殺於耕翰闕下焦歷耕翰入解衣伏質上諫始皇曰不見闕下死人乎焦曰天有二十八宿臣願死諫以滿其數始皇下殿執其手曰先生起就衣上遂歸太后咸陽宮母子如初焦為仲父爵上

卿

茅容字季偉年四十耕于野避雨樹下衆夷踞容危坐愈恭郭林宗異之因寓宿之旦容殺鷄為饌食母餘置半疫自以草蔬對客飲林宗曰賢哉子誠泰友勸就學竟為成德

茅初成茅山洞華陽洞茅君隱此詩曰神仙得者茅初成駕龍乘空入太清繼世而得在我盈盈大茅君弟固裏老君授盈司命君固定錄君裏朱命君曰三茅君

茅華涿州人貴池縣令黃魯直誌墓

巢彭城有巢氏夏殷巢國

巢牛城楚大夫見春秋

東武劉燕庭氏校鈔

巢堪字漢章太常博士時魯國曹褒上書宜定文制著成漢禮堪曰一世大典非褒不可上拜褒侍中

巢尚之宋武帝時與戴法興專權用事

巢谷字元修眉州進士棄文武遊秦鳳涇原二蘇在朝不見及軾轍謫嶺海谷自眉山徒步訪蘇公行至梅嶺先遺書曰萬里步見今至矣旬日必見面死不恨軾驚曰此非今之人古之人也時谷年七十三既訪子由又訪子瞻海外子由感元修之義筆於傳

高

渤海 廣陵 漁陽 遼東 河南 齊太公 呂望弟 六世 文公 子高 後為高氏 世為齊 復姓 三 高陽氏 高辛氏 高堂氏

高柴字羔衛人贈共伯進封共城侯贊曰婉彼子羔受業先聖宗

嘉蔭移

廟之間一出乎正克篤於孝匪愚乃令師知其師有輝賢行

高渠彌齊大夫 春秋桓五年

高偃謚敬仲齊卿 莊二十二年 高子來盟 閔二年 高無咎會吳成

十五年 高偃率師 昭十二年

高漸離擊筑歌以送荆軻入奏曰風蕭蕭兮易水寒壯士一去兮
不復還 史記

高相沛人治易專言災異自謂於丁將軍 漢儒林傳

高彪字義方從馬融問大義融以病疾不見彪書曰承服高風有
年矣冀一見龍光少叙心腹昔周公旦父文兄武九命作伯以
尹華夏猶吐哺渥沐垂接白屋今養痾傲士固其宜也融追之

東武劉燕庭氏校鈔

不顧而去彪校書東觀奏賦頌諷諫靈帝拜內黃令詔畫彪像
置東觀以勸學者

高鳳字文通晝夜讀書家人曝麥庭中令護鷄驟雨漂麥鳳讀書
不知也里中有爭財持兵鬪者鳳脫巾叩頭仁義遜讓奈何棄
之爭者投兵謝焉漢詔公車召鳳有言鳳本巫家子不應為吏
乃隱身漁釣不仕教授學者於西唐山中 東漢

高朕漢末蜀郡太守興學校修周公典禮蜀人立石室於文翁之
側祀祠之 漢

高崧字茂琰以史學舉秀才太學博士晉哀帝拜侍中諫上服長
生藥謝萬都督豫州崧叙陳刑政之要務萬呼其小字曰阿鄢

嘉蔭移

顧有才典 晉史

高泰字子伯北燕尚書郎符秦王猛符融累辟不就及融以擅興學宮為有司所劾融曰君子救人之急卿不得辭泰至長安丞相猛曰高子伯來何遲泰曰罪人來就刑何問遲猛曰何謂也泰曰魯僖公以泮宮發頌齊宣王以稷下垂聲今陽平公建學設教追蹤齊魯未聞明褒美乃煩有司舉劾明公阿衡聖大勸懲如此下吏何所逃罪猛曰吾過也釋融不問乃曰高子伯豈陽平公所宣乎吏言於上召問治本對曰治本在得人得人在審舉審舉在核真未有官得人而國不治者堅曰辭簡理博拜尚書郎固辭還本州

東武劉燕庭氏校鈔

高頻字昭玄習兵事多計畧隋左僕射龐晃短頻上點晃謂曰獨孤公猶鏡也每磨瑩皎然益明頻有文武才通明暢達竭誠盡節引進忠良執政二十年朝野推服時致昇平稱真宰相平識治體隋之興亡係頻之生死薦蘇威賀弼若韓擒虎謀平陳頻問薛道衡曰江東可克乎對曰郭璞云江東分王三百年復與中國合數將周一也隋主恭儉叔寶荒淫二也安危在寄任江總伯陳周小人施文慶委以政任蕭摩訶任蠻為大將一夫之用此三也

高允字伯恭與崔浩論漢書元年十月五星聚東井按星傳太白金辰星水附日而行冬十月則日旦在尾箕昏漢没于申南而

東井方出于演北二星何得皆日而行是史官欲神其事而不推其理也游雅曰高君精曆數當不虛也歲餘浩語允曰果如君言五星乃前三日聚東井非十月也初與允同召者如游雅等俱至大官封侯而部下吏至三千石者數十百人允為郎二十七年不徙官拜允中書令游雅曰與允遊四十年不見喜愠之色遼東公翟黑子奉使并州事布千足事覺謀于允允曰公帷幄之幸臣有罪實首或見原貸黑子不以實告上殺之崔浩坐刊石史揚國惡被收太子召允欲免之及上問允對曰臣允所為著多于浩先帝託允浩太子曰向聞允言皆浩所為上問允對如初上曰直哉赦允命作詔誅浩允曰吾不負東宮今恐

東武劉燕庭氏校鈔

負翟黑子也崔宏曰高子黃中內潤文明照外一代偉器歷五主出入三省五十年壽九十八歲卒子忱字士和長樂太守政寬惠次子綽字僧裕洛陽令政強直不避豪右京師畏憚北史高品字教曹龍犀豹頸姿體雄異父曰若不滅吾族則當大吾門以其昂藏教曹故名而字之北魏為都督渡河祭河伯曰河伯水中之神高教曹地上之虎經行君所故相沃醑北魏史高推字仲讓兄弟北魏妙簡行人詔推奉使宋朝咸服其才辨高祐字子集博涉書史孝文拜秘書令兗州刺史建學明倫風化

大行

高德正神武委以腹心遷黃門侍郎兼侍中仕齊拜右僕射

嘉蔭錄

高乾字乾邕重義輕財拜黃門侍郎兼侍中

高閭字閻士博綜經史下筆成章魏中書侍郎獻文立上至德頌
文章富逸獻文令參論政事拜給事中委以機密詔令書檄廣
衆中談論鋒起人莫能及孝文以其文之美每優禮拜相州幽
州刺史有良牧之譽 子元昌平遼西博陵太守弟悅博學篤
志

高歡字賀六渾燕太守昔高湖自燕奔魏其子謚侍御歡謚之孫
沉勇有大志家貧執役平城富人妻事家其女見而奇之遂嫁
歡歡既富見征西將軍張夔為武卒所害乃傾貲結客曰宿衛
兵焚大臣第宅而不問世事可知財豈可常保劉貴先薦歡于

東武劉燕庭氏校鈔

余榮廐有悍馬無敢御者歡不加羈絆而剪拂馬竟不跌鬻歡
曰馭惡人亦如是問榮曰聞君有馬十二谷色別為羣將何用
也歡入朝於鄴百官迎于紫柏歡握崔暹手曰往日朝廷豈無
法官莫肯糾劾中尉盡心徇不避豪強遂使遠近肅清銜鋒陷陣
大有其人當官正色今始見之富貴乃中尉自取歡父子無相
報賜以良馬暹拜馬驚歡親擁馬授暹以轡東魏王宴歡華林
園擇朝士公正直言者勸以酒歡降階跪曰惟暹一人可歡請
以臣所謝賜白絹千段賜暹使歡視諸子各理亂絲唯洋抽刀
斬歡仕東魏封武獻王卒世子澄秘不發喪虛葬漳水潛鑿成
安鼓山石窟佛頂寺側三年而成穴納石柩并羣匠築於中及

齊亡有一匠之子知之發石取金

高洋東魏封齊王受東魏禪是為齊宣帝

高澄初東魏吏部尚書改崔亮年老之制銓擢賢能大夫歸之史北

高翔字季回世傳魯詩清操之名漢光武拜符離長遷大司農立

朝方正東漢儒林傳

高柔字文惠為刺姦令史位至太尉三國魏志

高光字宣校茂晉朝理官明法令

高爽博學坐事繫獄作鑊魚賊以自况附見卞彬傳

高構字孝基隋吏部侍郎典選稱職能知方杜之賢

高馮字季轉唐太宗拜御史上書奏政得失賜鍾乳一劑曰卿進

東武劉燕庭氏校鈔

藥石之言朕以藥石相報遷吏部侍郎善銓叙人物又賜以金

背鏡曰以况卿鑑別之情卒謚憲公唐太宗紀

高仲書唐開元崔琳同中書舍人宋璟曰欲知古問高君欲知今

問齊君齊翰仲書博通今史珽仲宋璟俱當時賢人藉以質疑

唐玄宗紀

高琳字季岷其母得一石於泗水光彩可愛夜夢神人曰浮磬之

精保藏必生貴子生琳長平年登科加驃騎將軍周孝閔時平

文州師還上賜宴命臣賦詩琳曰寄言竇車騎為謝霍將軍何

以報天子沙漠淨妖氛

高郢字公楚衛州進士貞元年知貢舉得白居易等順宗永貞元

年拜相封初為衛州進士時魚朝恩造章敬寺費以萬億計郢
上書諫曰先太后不必以一寺增輝永圖百姓為本捨人崇佛
何福之有代宗紀

高顥永隆年登科遷中書舍人貞元十一年知貢舉

高湘字濬之禮部侍郎乃高蟾座主湘僖宗受江西觀察使附高錢傳

高適字達夫滄州舉有道科哥舒翰掌書記遷擢諫議大夫負氣敢
言為蜀州彭州刺史上皇東還分劍南西節度使百姓困調度
適上疏請罷東川以一劔南拜安西都護適尚節義為政寬簡
人便之杜甫稱高書記

高儉字士廉北齊清河王岳孫觀書一見成誦敏於占對薛道衡

東武劉燕庭氏校鈔

崔祖濬舊臣重望為忘年友唐武德中雍州牧蜀人畏鬼惡疾
父母疾亦委去士廉設教變俗興學進諸生秦李水導文江灌
田士廉因故渠引水旁出灌注人賴以富饒入拜吏部進封許
國公李詳譜系氏族拜尚書僕射士廉三世居是官世榮其貴
太宗幸洛陽太子監國命攝少卿貞觀年卒高宗贈太尉子履
行禎五世孫文重字文明舉明經

高定七歲讀書湯誓跪父郢呈曰柰何以臣伐君郢曰應天順人
非伐也定曰用命賞於祖不用命戮於社果順人乎郢異之學
通王氏易為京兆參軍

高仙芝高麗人唐開元安西都護天寶奉詔討吐蕃拔其城羣胡

皆降玄宗擢鴻臚卿

高大素商山隱士建清心亭茂林修竹每至亭上一猿至亭上鞠躬而啼不失其時命曰報時猿唐開元遺事

高崇文憲宗元和神策軍使誅劉闢同平淮蔡破吐蕃於寧州以功封渤海王刻石紀功於鹿頭山詔同平章邠寧節度使軍事嚴整崇文七世同居

高瑀文宗太和元年瑀以太僕卿為忠武軍節度使大曆以來節度使多是軍將倍息貸錢賂中尉以億萬計得之裴度韋處厚奏瑀代王沛節度使中外賀曰自今債帥鮮矣唐書

高得硯石似馬蹄狀於天壇路韓愈銘曰天馬之靈跡在於石

東武劉燕庭氏校鈔

稜而宛中有點黑跡文字之祥君家其昌

高鉞字翹之弟銖錯俱登科穆宗面賜緋魚召入翰林學士敬宗拜知制誥中書吏部侍郎同州刺史卒子湜字澄之及第咸通未體吏部侍郎得許崇聶夷中皆名士拜右諫議大夫

高銖字仲權及第署太原張弘靖幕府入拜監察御史給事中文宗朝率百官伏閣下論李訓

高釗字弱金連中博學宏詞河東參謀中書舍人開成元年知貢舉文宗喜其得人拜鄂岳觀察使並高鉞傳

高駢唐僖宗拜淮南節度使擊黃巢有功朝廷以為安危

高道悅字文欣魏諫議大夫當官正色不畏強禦居法樹平肅之

規處諫著犯顏之節儼然正色上下畏之

高恭之字道穆父崇字積善景明年洛陽令政清吏畏其威發捷不畏強禦道穆所交皆名流每曰人生當夕脫羊裘朝佩珠玉高謙之字道讓事後母孝好文章留老易拜河陰令損益政體多為故事父子兄弟並著當官之譽

高隆之字賢興仕齊錄尚書事領大宗正卿監國史欽上尚文邪縉紳名流必加禮接訓督諸子必先文義

高霞寓五世同居孝聞閭里讀春秋兵法高崇文檄從軍討劉闢有功感義羣王

高郁為馬氏謀主說楚奉天子修霸業治湖南鑄錢通商教民蠶

東武劉燕庭氏校鈔

織以致富强

高思維端州人兄弟武勇雄於北邊為幽州戍將思維兄弟子行珪安遠軍節度使思維子行周天平軍節度使勇而知禮功高不矜策馬臨陣叱風生及平居賓僚宴飲侃侃和易追封秦王子懷德五代史

高懷德字藏用忠厚倜儻有武略仕晉漢為刺史仕周為節度使入宋殿前點檢鎮尚宣祖女燕國公主加駙馬都尉破李筠澤州鎮忠武軍歸德軍同平章太宗加侍中武勝軍節度使卒謚武穆公

高季興 從誨 保 融 保 勗 繼冲 世世襲有江陵至斷屬

其子孫勸歸國

高瓊燕人徙豪州蒙城太宗授殿前都指使景德元年契丹抵澶州貞宗駐蹕韋城王欽請幸金陵陳堯叟請幸蜀瓊曰契丹遠鬪勢不能久進決有功况羽檄召天下兵且至上乃幸北城至浮橋瓊扶御輦擁衆渡河上御北城觀兵漢軍望見黃蓋三呼契丹請盟師還賜宴行軍官李繼隆石保吉魏咸信等酒酣爭功瓊曰天子神武一舉折敵公等何功上命寇準召瓊至中書戒曰武人勿強學作書語是時宰相王欽若陳堯叟輩好賦詩而薄瓊等平日憾之貞宗問瓊曰卿子幾人對曰臣瓊子十四人臣誠愚不肖欲教子知書上賜經史瓊授檢校太尉忠武節

東武劉燕庭氏校鈔

度使三年卒年七十三謚武列封衛王

曾孫女為宣仁皇后

瓊生繼繼生遵遵生士士生公公生世世生之字凡七世

高繼勳瓊子字紹先太宗授知雍州威武節度使卒謚武穆公

高遵裕繼勳第三子女宣仁后封贈瓊魏王繼勳楚王遵甫魯王

遵裕字公綽宣子英宗登遐遵裕奉使西夏稱旨除知保安軍

高士林字才卿宣仁后弟德州刺史治平年卒神宗贈昭德節度

使子公繪公紀俱節度使

高若納字子敏知并州徙衛州咸陽金堂商河三縣入監察御史

知諫院時范仲淹知開封府宰相呂夷簡爭事貶饒州余靖尹

洙相繼出歐陽修貽書責若納諫官附宰相不言若納繳奏永

叔謫夷令若納見點於清議自御史中丞代吳育樞密使卒謚
文莊公

高荷字子勉號還先黃詩集官陝西運使燕山平奏凱歌除奄圖
學士知涿州卒

高賊字正臣父尹右衛將軍正臣班直舉進士拜奉禮博士太常
卿光祿卿秘書監龍圖閣知唐州增戶口興地利開良田益稅
糧詔曰召杜南陽世稱循吏朕尚思之卿招懷流民懇闢荒莽
繕修陂塲績用孔昭唐州與前守趙尚寬俱詔褒賊自龍圖閣
進集賢學墾關功也退居襄陽卒唐衛二郡有生祠

高懌字文悅幼通經史聞神放隱終南山懌築室豹林谷與張堯

東武劉燕庭氏校鈔

許勃稱南山三友寇準薦不起景祐年銀高季與王戾之後懌
推其弟折入官范雍守京犯建學召懌授諸生經學康定杜衍
諸賜處士號除大理評事固辭仁宗賜安素處士文彥博奏其
經明行修賜良田五頃宅區一除光祿丞不拜懌夢白衣持書
稱白鹿洞主作記後二十年卒葬白鹿鄉

高休攻書札蘇軾小史軾自翰林出節中山休屬王晉卿元符年
除樞密承旨徽宗為端王與晉卿善侍班殿下王借篋刀掠髮
晉卿授王新樣可喜晉卿曰近造一副未用當奉納晚遣休送
往王蹴鞠王問休對曰能王命蹴稱旨王傳語晉卿並來人都
留踰月親近王即位擢建麾節度使歷三衙殿前司二十年父

敦復拜節度使兄仲自云業進士就殿試仕至八座子姪俱貴
顯然不忘蘇門恩每蘇氏子弟至京師依給養甚至靖康年依
終于京師宋

臯

臯陶帝舜臣

臯誨廣陵人漢司徒長史

臯魚孔子出聞哭聲悲至則臯魚被褐擁劍哭路左孔子下車問
故對曰吾少好學周流天下吾親死一失也高尚其志不事庸
君晚仕無成二失也少擇交親友老無所託三失也樹欲靜而
風不止子欲養而親不存往而不可返者言也逝而不可追者

東武劉燕庭氏校鈔

親也立哭而死孔子曰弟子識之於是門人辭歸養親者十三
人見韓詩外傳馬融長笛賦澹臺戴尸歸臯魚節其哭

臯如越大夫見春秋

臯伯通東漢時人見梁鴻傳

臯弘晉揚州從事

教燕國顯項之師大教後

教陶孫字哭之哭趙忠定公汝愚詩左手施乾右轉坤姦邪疾正
正竟流言狼胡無地歸姬旦魚腹中天塋屈原一死固知公不
免孤忠賴有史長存九原若遇韓忠獻莫說渠家末世孫五王
不解去三思恭願端能殺望之未到浯溪讀唐頌空留衡伴湘

妃生前免見焚書禍死後重魁黨籍碑滿地
蒺藜誰敢哭為哦
楚些作哀詩

褒 禹後 後魏河南官氏志達勃氏改褒氏

褒氏周幽王后其先居東海勞山

勞

勞霸晉渤海人

勞彥遠蜀尚書左丞

勞丙琅琊人 後漢

勞夷王羲之蘭亭詩不成罰酒

勞梁漢中書僕射石顯黨

東武劉燕庭氏校鈔

牢

牢貞後漢人

牢修 見後漢黨錮傳

新編古今姓氏選華韻卷六至卷七全

東武劉燕庭氏校鈔

新編古今姓氏選華韻丁集第八卷

臨川布衣洪景修進可編

毛西河

周文王第九子毛伯封毛

毛遂秦國趙邯鄲平原君約客文武二千人得十九人毛遂自薦請行平原曰士處世如錐處囊中其末立見先生處門下三年未有所聞遂曰臣乃今日請處囊中必脫穎而出豈特末見而已平原君命俱行十九人者目笑之至楚議合從日中不決遂按劍歷階而上曰合從利害兩言而決今日中不決何也楚王叱之遂曰王之叱遂以楚國之衆也今十步之內王之命懸於遂乎吾君前在而叱何也楚之天下不能當白起一少小堅子

爾一戰舉鄢再戰燒夷陵三戰而辱王之先人此百世之怨趙之所羞而王不知惡焉今合從者為楚非為趙也楚王曰唯唯誠若先生言謹社稷以從毛遂命楚王在左右取雞狗馬血來遂捧銅盤而跪進曰王當歎血定從次者吾君次者遂左手持盤右手招十九人曰公等碌碌所謂因人成事者也楚命春伸君黃歇將兵救趙平原君歸曰勝不敢復相天下士矣於是遂為上客國策 西京雜記云有兩毛遂一野人也墜井死或以

告平原君君哭曰天喪予既而聞非門下之毛遂也乃喜

毛萇河間獻王博士治詩故名詩曰毛詩 前漢儒林傳

毛義廬江人與鄭弘俱以行義稱於鄉里張奉慕其名姓侯之坐

東武劉燕庭氏校鈔

定而府檄至以義為安陽令義捧檄入喜動顏色奉乃輕之及義母喪去官公車徵舉賢良不起奉曰賢者不可測往者之喜為親喜也 漢章帝記

毛玠字孝先漢丞相曹操以玠為西曹掾典選舉用清正拔郭實斥革偽於是天下士以廉節自勵吏潔于上俗移於下操平柳城獲寶器以素屏風素憑几賜玠曰君有古風故賜以古人服用玠居位布衣蔬食得賞賜以賑宗族貧乏者 三國魏志

毛曾魏明帝后之弟與夏侯玄並坐當世謂蕭蕭葭倚玉樹 本傳

毛喜字伯武好學工草隸陳文帝立喜奉使北周結二國之好拜

黃門侍郎 永嘉內史

毛寶晉人江行見漁得白龜寶廬江太守豫州刺史立大勲死王
事子穆之字憲祖襄陽益州刺史安之字仲祖拜右將軍

毛璠字叔璉討桓玄有功詔曰貞松標於歲益州刺史璠匡翼之
勲簡在朕心進征西將軍自寶至璠三葉建麾開國者四人

毛祖德兄弟五人遷冠軍將軍司州刺史弟嶷嶷弟辨俱有志節

毛修之字敬文祖武生伯父璠並益州刺史父瑾梁州秦州刺史
修之右司馬行司州事戍洛陽築立城堡武帝賜賚甚原南史

毛遐字鴻遠曾祖天愛北魏文武時定州刺史世為首師至遐四
世弟鴻賓雍州刺史明帝詔曰此以畫錦榮卿也氏羗畏服史北

毛若虛絳州人眉長覆眼天寶年功丞唐酷吏傳

東武劉燕庭氏校鈔

毛注彈劾姦臣奪其政柄朱文公喜

衢州江山縣景行堂記

為注而作宋朝

曹譙國

彭城

高平

鉅鹿

顓頊玄孫陸終第五子陸安為

曹姓周武王封曹挾於邾邾為楚所滅周文王第十三子曹叔
振鐸封曹國兗州陶丘北今濟陰定陶 曹為宋所滅

曹恤字子循蔡人贈曹伯封上蔡侯贊曰肅肅曹伯王室之裔積
習樂道切磋明義惟善則主爾德是數史筆有煥令名永紀

曹翹

左傳莊公十年

曹開御戎

左傳襄公二十三年

曹沫魯莊公將齊魯盟於柯沫執匕首劫齊桓公復魯侵地史記

刺客傳

曹參沛人秦獄掾蕭何主吏漢高起沛參以中涓崇號建成君封
建城侯拜將軍惠帝元年以參為齊相齊七十城悼惠王富於
春秋參聞蓋公治黃老厚幣召蓋公公曰治道貴清靜而民自
定參避正堂舍蓋公治要用黃老術相齊九年大治丞相蕭何
卒參舍人趣裝治行曰吾且入相居無何使者召參參去齊屬
後相以齊獄市為寄曰慎勿擾也魏勃欲見齊相國參而貧無
以通乃性掃相國舍人門舍人怪問勃欲見相國無因舍人引
見參以勃為舍人參相漢壹遵蕭規選郡國吏長詢於文詞謹
厚長者為丞相史唯日夕飲酒客有欲言即飲以醇醑醉則去

東武劉燕庭氏校鈔

不得言百姓歌曰蕭何為臣相較若畫一曹參代之守而不失
載其清淨民以寧高參諡懿侯玄孫襄封平陽侯拜後將軍從
大將軍出定襄子密代侯

漢書

曹充字慶禮為博士子襄結髮傳父業舉孝廉遷圉令以禮理人
以德化俗

曹褒字叔通撰漢禮百十篇博物識古為儒者宗教授諸生學徒
千餘人

後漢

曹騰漢中侍養子嵩高子操

曹操字孟德少年見許邵邵曰公治世能臣亂臣姦雄操與歐陽
修讀曹娥碑陰八字曰黃絹幼婦外孫蓬白脩立會操曰且勿

言行三十里亦會寫與修合因曰有智無智較三十里黃絹色
系也絕字幼婦少女也妙字外孫女子也好字蒼白受辛也辯
字操四子丕彰植熊

曹丕易漢為魏

曹植字子建父操不知其能文建安十三年銅雀臺成操命諸子
賦詩植援筆立成操始異之封臨淄侯以監國謁者灌均奏植
醉酒悖慢劫脅使者貶安鄉侯又誅丁儀丁廙等後改封鄆城
侯進封鄆城侯王東阿王加封陳王諡曰思後人乃稱陳思王
黃初以來魏諸侯王法禁嚴史察之急至婚姻親不敢通問東
阿王植上疏曰堯舜之教先親後疏自近及遠周公刑文王刑

東武劉燕庭氏校

于寡妻至於兄弟以御於家邦伏惟主上資唐帝欽明心德體
文王翼翼之明仁洽椒房恩沾九族親理之路通慶吊之情展
誠恕己及人推惠施恩者矣今臣以一切之制永無明覲之望
注也皇極 結紫闥神明知之臣無錐刀用及觀朝廷拔擢若
以異姓自度不後朝士若德無遠猷戴武弁解朱組佩青綬執
鞭珥筆出從華蓋入侍輦轂遠慕鹿鳴君臣之宴中訓常棣匪
他之誠下思伐木友生之義終懷蓼莪罔極之哀每四節之會
愧然蜀處左右惟僕隸所對惟妻子高談無與陳精義無所展
未嘗不聞樂拊心若葵藿藿傾心太陽太陽不為之面光然向
之者誠也取齊者田族非呂宗也分晉者趙氏非姬姓也昔管

蔡誅放周呂作輔叔魚陷刑叔向贊國今公族反疏異姓反親
臣竊感之 謝靈運曰天下之才共一石子建獨有八斗靈運
得一斗古今才士共一石植自撰雙陸傳戲之具丕為魏文帝
令植作七步詩不成伏法植應聲曰煮豆燃箕豆在釜中泣本
是同根生相煎何太急植有孳子曹志亦好學者有才名

曹仕字子孝戰功封安平侯上曰將軍貞天久三軍服其勇拜大
將軍

曹休字文烈太祖曰吾家千里駒也戰功拜大司馬都督揚州封
長平侯

曹冲字蒼舒操庶子封鄧王年九歲孫權獻巨象操欲知輕重冲

東武劉燕庭氏校鈔

曰置象舟中刻其水痕積勿較之斤兩見矣操行之 三國魏志

曹洪字子廉拜驃騎將軍封樂城侯 三國魏志

曹貞字子丹戰功拜大將軍封邵陵侯大司馬不恃宗親之貴寵
不驕白屋之士五子皆封列侯 三國魏志

曹羲中領軍凡夾何晏等俱為司馬懿所殺

曹蜎李志今見在而厭厭如泉下人廉頗藺相如千載凜凜尚有
生氣 世說庾道季云

曹景侗字子震北魏攻鍾離梁武帝遣景侗破魏兵秦凱還宴華
光殿群臣賦詩景侗請與賦上曰惟競病二字韻景侗詩曰去
時兒女悲歸來笳鼓競借問行人何如霍去病一座歎服進

爵 公景侗姓疎操謂宗親曰我卿騎決馬如龍拓弓弦作霹
憲聲耳後死風鼻頭出大今來揚州作貴人閑置車中如三日
新婦悒悒使人氣盡景侗在揚州縱軍卒歲時去人家作邪呼
逐除以需酒食錢物邪呼之逐也俗放此南史

曹商為宋王使楚其往也車數乘楚王悅得車百乘反於宋見莊
子曰窮閭短巷困窘織屨槁項黃馘商所短也一悟萬乘從車
百乘商所長也莊子曰聞楚王疾召醫破癰潰疽者車一乘
舐痔者車五乘所治愈下得車愈多子其尸痔者歟何得車之
多也莊子禦寇篇

曹氏縕游乾明寺繡作女紅乞詩縕集句贈云睡起楊花滿綉床

東武劉燕庭氏校鈔

為他人作嫁衣裳因過竹院逢僧話頗覺空門興味長

曹善才琵琶錄唐元和年曹保生善才善才生曹綱俱善琵琶行
曲罷能令善才服又云誰能截得曹綱絳向重紅袖中

曹憲杜甫丹青引將軍魏武之子孫

曹志字允恭章武趙郡太學達學通識宜在儒林遷博士祭酒晉書

曹攄字顏遠臨淄縣令辯寡婦寃獄歲除縱死囚還家尅日而至
一縣歎服攄有孝行

曹毗字輔佐察孝廉遷下邳太守以名位不顯著書自釋沉研祕
籍晚足倦遷光祿勳

曹武字士畏威齊右衛將軍子世澄世宗梁武帝朝官大郡太守
南史

曹世表字景升性雅正涉獵群書拜清河太守政簡民安北史

曹華宋州人烏重胤討蔡請華自副戰青凌拔凌雲柵以功封陳

留郡王棣州刺史自李正己齊魯俗污驚華下車令曰鄒魯

禮義鄉不可忘本華出身戎五動必由禮愛重士大夫不以貴

勢自驕唐史

曹憲公卿多與游小學家尤邃自漢杜林衛宏以後古文忘絕至

憲復興隋煬帝命諸儒撰桂苑叢珠又注廣雅唐貞觀以弘文

館學士召不至唐太宗每讀書有奇難字必遣使問憲拔證檢

東武劉燕庭氏校鈔

詳上咨馬憲以梁昭明文選授諸生李善相繼傳授文選大興
唐史

曹光實字顯宗雅州人父疇蜀靖南軍使卒光實永平軍節度使

宋命王全斌平蜀有張樂中衆數千圍光實居鼓躁入光實

負母揮戈突出免圍而一家三百口皆死發其父疇墓光實請

全斌白其事誓雪寃憤晝雅州地圓陳要害用兵攻取策克城

獲張樂中復其仇安集黎雅二州民夷宋太祖召曰蜀土俊傑

拜黎雅二州刺史唐國團練使從子克明宋朝

曹克明字在卿父光遠死張樂中禍時克明幼妾同匿而草莽而

免長二兵拜雅州容州宜州十郡都巡檢使招安三十六溪洞

初蜀人茅屋火災克明教以陶瓦又教民激水入城備火遂除火患諭隆交趾等處除閭門使知昂州卒宋朝

曹彬字國華貞定靈壽人父芸成德兵馬使生彬周歲父母試之彬左手持干戈右手執俎豆須臾取一印乾祐充成德牙將隸周世宗帳下宋初與王全斌郭進伐蜀諸將欲屠城彬曰余上詔美之蜀平彬橐中圖書而已拜宣徽南院義成軍節度使征江南李煜表緩師彬亦緩攻城垂克彬稱病諸將問疾彬曰余疾非藥石可愈惟諸公誠立心自誓克城不妄殺掠疾即愈矣諸將曰諾即共焚香誓天明日克城按堵故如李氏君臣百餘人待以客禮凱還入覲

云奉敕江南勾當公事面初上許

東武劉燕庭氏校鈔

以賜使相及還帝賜錢五十萬彬曰人生何必使相好官不過多積錢耳拜樞密使中武軍節度使太宗加平章從征太原平加侍上中貞宗立同平章事召樞密使咸平二年疾上賜白金萬兩卒壽六十九追封齊陽郡贈中書令諡曰武惠子四瑋琮玘璨貞宗問優劣彬曰璨不如瑋玘女光獻太后佐佑仁宗追封彬冀王璨節度使其母見庫中積錢曰先侍中厯官內外未嘗有此積汝不逮父遠矣

曹瑋字寶臣知邠州秦州清州天雄永興節度使知真定府在邊蕃部有過平之每以餞將出効兵馬次序以食味為節令曰下某品食即某隊兵發節以食為號到水飯則捷報到天聖明道

年中京師曲奏曹門高及慈聖太后受冊中宮宣仁后慈聖后俱垂簾攝政宣仁后乃慈聖后之甥瑋為邊將四十年卒年五十有八諡武穆公

曹漢太名府人彬翰同功宋祖以其下江南翰多殺還衛不調數年太宗宴群臣翰自陳能詩乃字韻翰云三十年前學六韜英聲常得冠時髦曾因國難披金甲耻為家貧買寶刀臂健尚嫌弓力軟眼明猶識陣雲高廷前昨夜秋風起羞見蟠花舊戰袍上遷官賜詩曰他日燕山磨峭壁定應先勒太后曹初平江江州胡德拒守不下翰屠其城從征大原征幽州攻城掘土得蟹翰曰蟹水族陸居失所也且多足恐有救至不可進拔之象其

東武劉燕庭氏校鈔

班師乎攻幽州開河自雍州至莫以通漕運遣兵以五色旗斥候各有陰符濟師召拜左千牛衛上將軍卒諡曰武毅公翰飲酒數斗不亂陰險多智奉對數人條默記不悞有玉闕詩集

曹修古建安人官御史明道年間以直言謫官興化軍清貧卒於謫所無歛僚屬出錢以贈修古之古女未笄泣語母先御卿史忠節稱天下不幸直言謫死豈可受此錢以污先人請清名每叩謝不受其女純孝明識如此修古無子以姪覲為子

曹覲累官封州太守及儂智高反覲封州印同兵馬陳擘率州兵百餘人督戰被執解印綬遣二兵馬到朝廷覲罵賊死節贈諫議大夫太常卿今封州立廟

曹利用字用之趙州人父諫明經及第利用貞宗時奉使契丹往復使還拜閭閻使忠州刺史天僖年拜樞密平章宰相李迪面斥丁謂姦邪曹利用馮拯朋黨利用曰片文遇主臣不如迪若捐軀強敵迪不如臣拜少保右僕射仁宗進封魯國公卒

曹緯字元象穎昌府進士與劉燾瞿執劉正夫稱大學四俊緯

性豪邁工書行楷有法每曰一點一畫若不稽古則位置終不穩調貴也縣尉時秦少游曰置元象詩於杜少陵集中如李光弼提郭子儀兵愈當精明也詩又工詩號秋浦集弟組

曹組字元寵有庠序著鐵硯篇六舉進士不第徽宗賜御書曹組文章之士詔賜召試進士及第家有五喪未葬一旦葬五喪

東武劉燕庭氏校鈔

送葬者車以千數組善謔詞作紅窓迫詞百餘首樂府傳誦宣和年召入宮中見玉華殿閣上曰汝是曹組對以迴波詞曰小臣便是曹組會道聞言長語寫字不及楊球愛錢過於人徽宗大笑球補兩供奉官姓名因譏之組每着方袍大帽以小奚奴負酒壺入貴介之家醉則又索酒滿壺歸入相國寺一老人云君面有墳墓陰德氣當延年一紀有詩文謝克家任伯為序子勛奉使出疆專對稱旨拜承宣使建炎龍飛富貴四十年位至太尉

曹 太平興國年石燕載薦對召進詩三十篇其首為白鷺貧女兩絕波瀾靜處立身孤 雪攢霜腹轉虛盡日灘頭延頸望能

消大海幾多魚自恨無媒出嫁遲老來方得遇佳期滿頭白髮
為新婦笑殺豪家年少兒太宗喜召試學士院除東宮官屬

陶丹陽 潯陽

陶唐氏春秋定公四年傳曰殷民七族陶氏施

氏繁氏錡氏樊氏饑氏終蔡氏又慮思為周陶正其後為陶

陶叔周司徒

陶舍漢功臣開封侯舍少生青丞相

陶侃字士行饒州延賞坊有故宅從潯陽母湛氏賢明有法豫章
人侃為潯陽太守縣吏掌魚鹽以鮒鮓遺母母責曰爾為吏以
官物遺我增我憂也鄱陽范逵與侃友逵倉卒過之母截髮易
酒飯殺一日友人過之其鄰舍曰子有長者軒車何不延論當

東武劉燕庭氏校鈔

世事侃曰貧不能禮隣人密於墻頭過濁醪隻雞侃遂成中日
之歡范逵見廬江太守張夔稱美召侃署督郵補樅陽令初侃
父喪未葬家失牛過一老人曰前岡牛眠地可葬父貴極人臣
侃少漁網得一投掛於壁久之化為龍飛去侃拜廣州刺史在
郡齋日運百甓於齋外夕運百甓於齋內人問其故荅曰吾方
致力中原過自優游恐不堪事禹惜寸陰衆人當惜分陰衆佐
墓僚或談博廢事侃如蒲博具投江中曰樗蒲者牧猪奴戲耳
侃飲則有酒限庾翼勸之侃曰少酒失先親戒之侃夢生八翼
飛上九重天門闔者杖折左翼其後都督八州相者師圭曰公
左右手堅文當為三公乃封桓國公鎮武昌課諸營種柳有都

尉夏施留植私舍侃一見曰武昌官柳也侃在官竹頭木屑悉令籍掌一日積雪妨朝賀以木屑布地桓温伐蜀造舟以竹頭為釘平蘇峻亂侃加侍中大尉封長沙桓公在鎮四十一年自南陵迄白帝數千里路不失遺侃子瞻字道貞歷廬江建昌二郡太守侃有一胡奴常默默不言語一日侃出外胡奴執鞭隨之有一胡僧見而禮拜曰海山使者因念起墮落侃異之至夕失去晉本傳

陶潛字元亮一字淵明侃之孫著五柳先生傳以自况親老家貧謂親友曰聊欲絃歌以為三逕之資拜鼓縣令以公田五十畝種秫五十畝種稷一日郡督郵至吏白宜束帶見之潛曰吾不

東武劉燕庭氏校鈔

能五斗米折腰見州里小人即解印綬去著歸去來詞潛孟嘉外甥作孟府君傳云淵明光親君之弟四女也潛九日授採菊東籬悵望無酒忽見白衣人至乃九江太守王宏送酒來會遠師招入白蓮社潛許飲即來遠師許焉後攢眉而去遠住廬山三十年影不出山跡不入俗送客不過虎溪惟栗里陶元亮山南陸修靜二人遠送之不覺虎溪三人相視大笑世傳三笑圖潛名子曰儼命曰卜云佳日占亦嘉時名汝儼字曰求思恭温朝夕念茲在茲潛有無絃琴曰但識琴中趣何勞弦上聲自謂羲皇上人僧惠洪苕溪漁隱叢話云淵明坐至於樹蔭之下則廣厦華唐吾何美哉馬步止於華門之裏則朝市聲利吾何趨

馬美味止於食園葵則吾鼎方丈吾何欲馬大歡止於戲稚子則燕歌趙舞吾何樂馬在彼者難求在此者易得淵明固窮守道安乎邱園其肯以此易彼哉

陶弘景字通明丹陵人好養生之術仕齊拜諸王侍讀奉朝請與從^兄書曰昔出仕朝四十作尚書郎投箸高蹈今年三十六奉朝請頭顱可知不如早去乃掛冠神武門納祿隱茅山句容縣曲山第八洞天曰金陵華陽之天周迴百五十里漢三茅山得道處弘景年八十如壯容梁武帝詔不起答云中土山中何所有嶺上多白雲祇可娛悅不堪持贈君上屢聘不出惟畫二牛一散放水草間一著金籠頭執鞭驅之上笑曰是人欲效曳尾

東武劉燕庭氏校鈔

龜豈可致也上每得畫焚香受之國有大事咨焉一月往復數書時稱山中宰相自號陶隱居作詩夷甫任散延平叔坐談空豈悟昭陽殿遂作單于宮大梁同二年辛經去眼方者壽千歲弘景一眼方南史隱逸傳

陶太白與尹子虛高山見梧間一女子曰我秦宮女也脫驪山之禍匿此山中餌萬年梧脂千年柏子遂得長生作詩云誰知古是與今非閑攝清霞遠翠微蕭管秦樓應寂寂採雲空惹薛羅衣陶尹二公今在蓬蓮花峰神仙傳

陶謙後漢人年十四尚綴帛幡乘竹馬戲蒼梧太守甘許以女妻之甘太守妻曰陶家兒遊戲無度如何許以女甘曰彼有奇表

長必大成後至徐州牧侯且死又能命以州讓劉備以全安徐州通鑑

陶徽晉人有詩云壁上掛酒壺客來喚婢取酒對展鹿編朱黃加釋註王仲宣往見乃聲高吟曰今日空囊中得陶夫子明珠二十顆何患子孫不富貴

陶沔與孔巢父等稱竹溪六逸

陶璜字世英父基仕吳交刺史璜牧交州三十年恩威著於殊俗子威蒼梧太守威弟淑淑子綏交州牧晉史

陶臻字彥遐南郡太守臻弟興果烈過人以戰功拜武威將軍陶回遷吳興太守開倉廩賑飢民一境全安

東武劉燕庭氏撰錄

陶漬字處靜好讀易著卜筮有導引術結廬長沙臨湘山中隱逸傳

陶季直五歲喪母哀毀如成人其後凡徵召俱不起時稱聘君孝義傳

陶子將軍海毓秣陵人南史

陶穀字秀實邠州新平人本唐姓北齊尚書令唐邕內史唐儉其遠祖也避晉高祖諱改姓陶穀起家校書郎入宋朝歷禮部刑部戶部三尚書翰林承旨乾德初郊法駕制度多其所定卒贈右僕射穀性傾險附趙晉以傾竇儀宋祖受周禪無冊文穀出諸懷中初緣李崧而進及崧死穀下石馬周世宗召魚崇諒為學士穀譜魚而攘其位險巧類此不為情議所容陶穀得黨

進妾令取雪烹龍團茶問黨家有此否答曰太慰武人徒能銷
金帳裏淺斟低唱飲羊羔兒酒耳豈能識此情景

陶弼字商翁元豐年中拜崇儀使知邕州黃魯直作墓志云其有
文武才而稱其詩

陶豹石趙將范陽人

桃

桃應孟子篇

桃馥字世芳羗人渴嗜酒呼酒渴

桃剛建平人

新編古今姓氏遙華韻丁集第八卷全

東武劉燕庭氏校鈔

丁集第九卷

河南後魏河南官氏志柯拔氏改柯氏柯降錢塘富人宋書

柯沈文貴傳柯益孫兖州典籤齊書柯穎尚書

東海陳郡何與韓同姓而近韓愈送何堅序何氏周成

王母弟唐叔虞十一世孫食采韓秦所滅子孫散呂江
淮至晉以韓為何氏

何武字君公蜀郡人漢宣帝時王褒作中和樂職宣布詩武年十
四共歌習之上召見宣室賜帛遣詣博士受易射策甲科為郎
拜鄠縣令坐法免兄弟五人皆郡吏大僕王音舉武賢良方正
對策拜諫議大夫揚州刺史九江守戴聖治行不法武行部廉

察聖自免去即禮經小戴也武刺史五年入拜丞司直丞相薛
宣敬之重綬和元年代孔光為御史大夫成帝拜大司空封況
卿侯初自司隸校尉拜京兆尹守法盡公進善退惡所居無赫
赫名去後常見思初為楚內史與龔勝龔舍唐林唐遵厚善武
位公卿薦兩龔兩唐顯名于漢何力也世以多之然疾朋黨
問文史必於儒者同儒者必於文史以相參驗欲除吏必先科
例以防請託

漢書本傳

何並字子廉何武高其志節舉能治劇為長陵令道不拾遺初外
戚王氏貴盛侍中王林卿通輕俠傾京師法免賓容愈勝歸長
陵上冢林卿素驕並儲兵馬待之林卿既去令騎奴至寺門割

東武劉燕庭氏校鈔

剝建鼓皮以兵吏自追之數十里林卿窘令奴冠其冠自代身
易服馳問道去並追斬其冠奴持頭還縣及所割剝建鼓皮置
都亭哀帝拜並潁州太守建武中以其子孫為郎漢贊曰何並
之節亞尹翁歸

漢書

何晏字平叔美姿容面白魏文帝疑其傳粉夏月賜湯餅試之大
汗以絳巾自拭色皎然魏正始年間進論語集解與王弼俱以
文名聞平原管輅明術數請與論易時鄧颺在座謂輅曰君善
易而語不及易易者何也輅善易者不言易晏贊之曰可謂要
言不煩請輅作卦問位到三公否又問夢連蜻蛚數十來集鼻
不去上驅何也輅曰昔元凱輔舜周召伯佑周皆以和惠謙恭

享有多福此非卜筮所能明也君侯位尊勢重懷德者鮮畏威者衆殆非小心求福之道且鼻者天中之山高而不危所以長守貴也今蜻蠅臭惡者集之位峻者顛輕豪者亡不可不深思也輅還語其舅舅責其言太切至輅曰與死人言何畏哉嘉平年魏帝謁高平陵大將軍爽中領軍羲武衛將軍訓等從於是司馬懿以太后令閉城勒兵據武庫授甲兵出屯洛水浮橋召司徒高柔行大將軍事據爽營僕王觀行中領軍事據羲營奏爽等罪狀及爽奉主還營兄弟還懿發洛陽吏卒圍守之有司收爽義訓

何晏鄧颺丁謐畢舉李勝等下獄殺之夷三族管輅之舅問輅奚

東武劉燕庭氏校鈔

知何鄧之敗賂曰鄧颺行步筋不束骨脉不制肉起立傾傾若無手足此名鬼躁何晏視候夢不守宅血不華色精爽煙浮容若枯木此名鬼幽二者皆非遐福之相

何曾字穎考晉太傅大宰侍中性泰侈日食萬錢猶云無下箸處厨中作蒸餅不折為十字不食侍武帝晏退語諸子曰上創大業未聞經國遠圖每晏見惟設平生常侍非貽謀之道也及身而已後嗣其殆乎語諸孫曰此屬必及難其後何綏為尚書而大傅越殺之綏兄嵩哭曰吾祖其聖子司馬昭封晉王以王祥為太尉何曾司徒荀顛司空朗陵公何曾卒博士秦秀謚曰名與爽寔曰謬怙亂肆行曰醜請謚曰謬醜公曾三公遵劬何

遵四子 嵩綏機羨

何劭字敬祖日食二萬錢父曾武帝時太尉凡以小紙作書東者
勅記室勿報卻綏機羨 其驕侈尤甚與人書疏辭禮簡傲河
內王尼見綏書曰何伯蔚居亂世矜豪乃尔其能免乎卻惠帝
時拜太宰與孫秀事趙王倫一時黨支卿相秀侍中起階越序
朝會貂蟬盈座時人語曰貂不足狗尾續永嘉末年何氏無遺
種晉懷帝紀

何無忌劉牢之外甥也栢玄聞起兵曰劉俗家無担石之儲呼盧
一擲百萬何無忌酷似其舅共舉大事何謂無成安帝還都以
無忌為豫州刺史義熙六年無忌引兵自潯陽擊盧循遇于豫

東武劉燕庭氏校鈔

章戰敗厲聲曰聆我蘇武節來握節督戰而死封安國忠肅公
何充王導之妻姪導已顯官充詣見導以塵尾指床令座曰此是
君之座及充為丹陽尹導薦為吏部尚書及導卒充加護軍將
軍拜中書令同庾冰輔康帝加侍中尚書輔穆帝封都鄉文穆
侯卒

何顥字伯求顯名太學有聲荆豫之域辟司空府尚氣節感友人
之義與李膺善黨錮禍 亡國汝南所至交豪傑袁紹愛慕
之私與往來結奔走之友顥私入洛陽從紹計議救解黨人之
事 後漢黨錮傳

何瓊字叔龍以考友聞魏初尚書僕射太傅三國魏志

何休字幼公質朴口訥雅心思精研六經作公羊墨守 氏膏肓
穀梁癡疾

何琦字萬倫事母至孝甘鮮不贍乃為郡主簿母終不仕

何準字幼道穆章皇后父弱冠知名尚氣節仕不兄充拜驃騎將
軍準仕答曰第五子稱何滅驃騎準兄弟中弟五散帶衝門唯

誦佛經

何法盛慕郝紹所著晉書語郝紹宜以惠我紹不與乃一日自詣
紹所竊取之遂為何氏晉書行于世

何之元好學有才著梁典三十卷

何憲字子思國子博士任昉以秘閣四部書問之憲自甲至丁不

東武劉燕庭氏校鈔

遺一事為詳說之

何休之字士威通三禮為醇儒當世稱孝仕梁尚書左丞 並南史

何尚之字彥德宋文帝元嘉中為丹陽尹立玄學太子率更令何

承天立史學司徒恭軍謝元立文學雷次宗儒學是為四學尚

之拜右僕射或有之求侍即尚之曰當官圖人安得人圖官元

嘉末年尚之以尚書令致仕居方山作退居賦以明所守後受

照復出御史中丞袁淑取古隱居有名無寔者作真隱傳以譏

之 互沈姪尚之子偃偃子戢戢子昌字子敬容五世吏部尚書

何偃字仲弘吏部尚書子戢字惠景吏部尚書偃弟取字子有隱

吳武丘山求弟黠

何點字子哲以世稱孝隱號遊狹處士時大夫慕之弟徹字子季拜中書令棄官隱居若耶山當世以點為太山徹為小山又稱何氏三高徹侈食味每日食前方丈周顒勸令食菜戡弟炯字士光年十五受學於徹一暮年通五經兄戡曰一代偉人拜揚州主簿侍書御史

何遠字義方為武昌太守社交游絕蹟遺為武康令厲清節除淫祀王已以率職梁武帝拜宣城太守俸錢並不受所至吏民立生嗣遷東陽太守視民如子豪右畏服以公清天下第一南史何攀字惠興為滎陽令上便十事拜大司農兗州刺史心平允莅官整肅甚顯家甚貧惟務周急濟之

東武劉燕庭氏校鈔

何昌寓吏部尚書有姓閔者求官昌寓問誰之後答曰子騫之後昌寓以扇掩口曰遥遥華胄昌寓字儼望所交當世清名歷湘東南太守拜侍中子敬容

何敬容字國禮梁武帝時自丹陽尹拜尚書令晉宋以來宰相文義自逸敬容獨勤簿領自徐免周捨卒後當權要者外朝則敬容內省則朱異敬容質懿無文然以綱為己任初為吳郡太守政為天下第一

何承天為著作即年最高 同官年少荀伯呼為姝母承天曰當為鳳將九雛 承天博物宋文帝每訪以疑事文帝以北魏為憂承天拜御史中丞上表陳備邊策一曰徒新附者以寔邊二

曰築城以居新徒之家三日耦牛車以載種械曰計壯丁以課兵伏

何遜字仲言承天曾孫權秀才科范雲見其對策則賞遂結忘年交遜為揚州法曹吟梅詩云枝橫却月觀花繞凌風臺應知早飄落故逐上春來後在落陽思梅花求揚州及到梅盛開遜對梅花終日彷徨與沈約謝朓劉孝綽齊名杜甫何劉沈謝力來工

何思澄字元靜梁天監年詔舉學士入華林撰遍畧徐勉薦思澄顧協劉杳王子雲鍾嶼五人應詔逸思澄重結交乃分書與賓朋校定而自已終日造謁每一夕一束名刺早命駕朝貴無不

東武劉燕庭氏校鈔

與之狎處客至則延飲食之或以方婁護欣然自當之晚還舍名刺皆盡初與宗人遜及子朗齊名時曰東海三何子朗最多又語曰人中爽爽有子朗朗字世明南史

何妥字栖鳳八歲遊大學顧良問曰汝姓荷葉之荷河水之河答曰公姓眷顧之顧故舊之故妥居白楊巷蕭眷居青楊巷三人齊名時語曰世有兩俊白楊何妥青楊蕭眷妥任周太學博士何蕃勇人也居太學諸生不為非義朱泚亂諸生將從之蕃正色叱之士不從亂韓愈作博

何堅道州人韓愈序何與韓同姓而近舉進士為同業在大學吾為博士堅為生為道識堅十年為故人同姓而近也同業也同

道也故人也 昌黎文

何遜簡州人唐德宗^韓奉天命群臣射鴈遞一箭落雙鴈韋臯贈詩云腰間寶劍七星文掌上灣弓掛六鈞一箭入雲雙鴈落始知秦地有將軍

何弘敬唐武朝魏博節度使何進滔卒軍中推其子都兵馬使重順知留後事上賜名弘敬

何易於唐蓋昌令太守崔朴游江索挽船夫易于腰笏自挽船朴慙罷游宴詔推茶易曰不推茶益昌尚不可信不奉詔凡有訟者諭遣之不可付吏遷羅江令民自無訟

何瓚福建人唐末進士莊宗拜諫議大夫北京留守五代史

東武劉燕庭氏校鈔

何澤廣州人父昂拜容管經畧使澤進士洛陽令莊宗好獵澤伏草叩馬諫二拜倉部郎中明宗時數上書切諫上嘉之以太僕卿致仕居河陽年七十餘晉高祖召以太常卿

何繼筠字化龍河南人父福進士唐入周平軍節度使節制鎮州宋初繼筠鎮州牙軍為棣州閔南防禦使太宗征太原繼筠奪汾河橋擒其將以功拜建武軍節度使在邊二十年胡人畏服拜其畫像子承矩

何承矩字正則從上征劉崇以功拜閑廐使知河陽徙潭州六年緇州滄州契丹寇邊承矩請屯順安砦西閔易河溝口引水築提瀦水以取要言上用其策霖潦為患言者非之承矩援漢魏

至唐故事。誓者詔授河北制置屯田使。民獲葦蒲魚蛤之利。稻田遂收。取邊餉。自是高陽並海絕契丹奔衝。自滄州移雄州出戰。獲酋長。林相公者知戎。上疏知戎息民。知澶州真宗嘉其謀。加雄州團練使。

何知字聖徒。成都進士。自太常博士擢侍御史。奏宰相陳執中寡學。叅政丁度輕脫。梃密夏竦回佞。不協人望。不宜在位。章累上諫。不已。仁宗正色曰。古之諫臣有碎首者。卿能行否。對曰。古者諫則不行。言則不聽。故臣碎首。今上從諫。如能何必。乃尔若碎首。龍墀則美歸。臣子過歸。君上臣不忍也。上悅。宋史

何稟字文績。隆州仙監人。政和狀元。兄棠弟槩。稱何氏三鳳。欽宗

東武劉燕庭氏校鈔

除翰林學士。尚書左丞。中書侍郎。議割三鎮。曰。國家根本柰何。一日棄之。敵情變詐。割亦來。不割亦來。不北之民皆吾赤子。棄地即棄民。為民父母者。棄其子乎。上然之。知杭州開封府尹。從上北幸。不食而死。年三十九。北還者言其狀。贈觀文殿大學士。稟臨卒賦詩。念念通前劫。依依返舊窠。人生會有死。遺恨滿乾坤。宋史

何執中字伯通。處州龍泉進士。台州推官。崇寧四年。尚書左丞。中書門下侍郎。特進。左僕射。加司空。少傅。太宰。封榮國公。卒。太師清源郡謚公正。獻公子正同。富貴不忘貧賤。立義倉贍宋族。宋何群。果州人。至和三年。賜號安逸處士。好古者。學慶曆年石。今在

大學群自蜀來學介以為學長不肯曲從同舍目之曰白衣御
史宋

何智父建安太守造石橋東坡記云天壤之間水居其多人之往
來如鷁在河眠而行舟雲駛鳥疾惟水之利千里咫尺斷流病
涉過膝則河惟水之害咫尺千里豈無一木支大壞舞于盤渦
水折雷解允毅何公甚勇于人始作石橋其艱其勸公以身先
民以悅使老壯負石如負其子疏為玉虹隱於金隄直欄橫檻
百賈所栖願公千歲與橋壽考持節後來以慰父老宋

何戡歌者也劉禹錫云舊人惟有何戡在更與殷勤唱渭城何文
鄴人有張奮家富驟貧賣宅於程應程家以疾不安又壹於何

東武劉燕庭氏校鈔

文入宅一夕見怪一黃衣身長丈餘升堂呼曰細腰舍人何以
有生人氣少頃一青冠一白冠亦來呼如前所云而去文效其
呼細腰舍人自問之細腰曰黃衣者金也白衣者銀也青衣冠
者錢也皆在灶下又問汝為誰倏不見明日掘得金銀各五百
斤錢十萬遍索宅中唯一古杵即細腰舍人者焚之其怪遂絕
而何文以富稱

何敞字文高九江人為汝南太守政寬和舉寃獄為文趾刺史行
部至蒼梧高要縣宿鵠奔驛亭夜半一女子告曰妾寃人也本
廣信人嫁同郡施氏大夫沒有雜繒百二十疋與婢名致富同
賣繒至此被亭長龔壽并致富刺殺埋此亭下今按明公訴寃

敬記其姓名明日喚龔壽同掘得二尸驗寔龔壽伏狀正法初
發尸時有雙鵠飛奔亭上久之因以名其亭

何子平事母至孝除海虞令以錄養考搯行檢處閭室如見大賓
何澄粹至孝親疾刲股和劑稱青楊孝子

何稠字林林傳古多識波斯國獻金線錦袍上命稠織造錦成勝
於所貢者

何錯讀書隱居何山蘇東坡詩云高人讀書夜達旦至金山鶴鳴
夜半

何遠字子薦兒時詠藏筠軒云不使翠分傍牖去切
約清甚畏人知跋其文南金集錄云何氏二子兒時時已有星

東武劉燕庭氏校鈔

心月齋語

東武劉燕庭氏校鈔

丹陽風俗通朝邠東夷望丹陽 邠頡遼東太守東魏

邠 邠春揚州刺史 西魏 娥

姓苑娥青代人有將畧立戰

功拜黃門侍郎明帝元帝拜

中領軍將軍鎮枋頭進封東平公子延封南平公北史

天水祝融裔春秋熊姓國在宣城縣徙枝江周末居長沙有

羅 姓無爵河南官氏志叱羅氏改羅氏羅懷漢梁王相

羅衰成都人賈於京臨隨身數十百萬檀鹽之利期年所入倍
前漢貨殖傳

羅舍字君章晝卧夢一鳥有文彩飛入口年 而驚叔其見母朱

氏曰汝必以文章名自是藻思日新仕晉至侍中官舍有白雀

栖集堂于及還家蘭菊叢生以為德行所感謝尚日羅君章可謂湘中琳琅荆楚美材栢温曰此江左之秀也豈止惟荆楚而已卒年七十七 晉史

羅友襄陽人為荊州從事家負好學嗜酒栢温詩其才而不用之或人出為太守温率賓客餞行友至語温云臣中路一鬼柳榆曰只見汝送人作郡不見人送汝作郡温遂以友為襄陽太守為人強記後宣帝伐蜀城郭木竹果寔皆默記云 晉史

羅憲字令則襄陽人年十三能文輕財好施為巴東太守兄子尚字敬之益州刺史 晉書

羅研字深微蜀郡別駕蜀王以文而達者研而已

東武劉燕庭氏校鈔

羅企生字宗伯拜著作左郎

羅結代人魏太武時累遷至侍中外都大官摠三十六曹事一百七歲精爽不衰太武信其忠慤監後宮出入卧内賜第東川為之築城曰羅候城朝廷大事馳驛咨焉又十年而卒壽一百一十七歲子斤以功為大將

羅叔景趙元嗣張伯英同時俱以書名伯英曰上北崔杜不足下北羅趙有餘 晉衛恒傳

羅鄴唐詩人牡丹詩買栽池館恐無他看到子孫有幾家

羅隱居錢塘工詠史有羅威亦能詩聞隱名遣使賂遺自稱宗姪呼隱曰叔父叙族譜白氏六帖隱累舉進士不第吳越王錢鏐

避從事官給事中墓在雒州府樂安縣羅家潭羅道宗爭詩之
訟 五辛姓

羅珣唐會稽人官刺史政簡易有芝草白雀瑞賜金紫章服杜佑
薦遷京兆尹修學平糶人賴其利子讓

羅讓字景宣以文章名進士賢良正博學宏詞高第拜御史中丞
有仁惠

羅弘信魏恃節度使子紹威襲

羅紹威襲父節鎮以魏博兵驕遣使告梁乞師盡誅魏博牙兵遂
以無兵為梁朱溫所制全中留魏博半歲紹威供億費 羊豕
七十萬頭資糧稱是其賂遺百萬梁兵既去魏博蓄積一空紹

東武劉燕庭氏校鈔

威及悔語親吏曰聚六州四十三縣鐵鑄此一箇錯不成五代史

羅希奭唐李林甫引侍御史與吉溫俱以刻深鍛鍊成獄稱羅鉗
吉網唐酷吏傳羅處約蜀進士調臨渙主簿大理平寺知尹縣
縣王禹偁與唱和召至京師太宗親試以屬俛左拾遺處約拜
著作俱直史館

羅疇字疇老授滁州法掾曰或除山郡窮僻公高才不宜疇滁州
歐陽公之醉卿也草木能發祥光紫薇山香泉萬斛可汲可飲
瑯琊谷口白雲千頃可眠可耕何謂窮僻郡並宋

羅子春持燒燕肉五百枚入龍得寶珠而還謂龍嗜燒燕蘇詩注
羅或河州人登太平興國年進士第貞宗親征澶淵遣或克和議

使使還求歸由里賜錦袍金帶上命宮妃綉八字曰明時折桂
衣錦還鄉汀洲太守宋

羅都女仙也真誥云萼綠花升平年十月降羊權家訪之乃九疑
山仙女云

羅點字春伯撫州進士淳熙乙未詹駉榜及第仕至樞密謚文恭
公節春秋

羅仲素 門人

高平 風俗通云夏諸侯以國為氏 過許漢兗州刺史

過過勗宋尚書郎

楚大夫封過 夏小國少康滅之佗羽字公子漢游

東武劉燕庭氏校鈔

過上扶風太守三輔決錄

戈

佗

俠傳

汝南 羲和四岳裔和組父晉人和武漢人 和洽字陽士

河南 舉考廉為尚書令封西陵鄉侯清和幹理一世美士

子道官至廷尉吏部尚書道生嶠自潁川太守拜尚

書令光祿大夫 晉史

和嶠字長興庾凱曰和嶠森 如千文 雖礪砢多節目然施之

大厦有棟梁之用嶠有盛名晉武帝深器重之舊制監令共車

入朝是時荀勗為監嶠鄙其為人以意氣加之每共乘高抗專

車而坐遂使監令異車自此始

和跋代人領領部落附北魏道武擢外朝大夫叅國大謀 北史

和其奴喜其射仕魏文成累遷尚書左僕射居官守法不受私謁

北史

和洪仕周拜車騎大將軍

和士開北齊侍中寵倖侍右勸上曰自古帝王盡灰土堯舜桀紂何異宜及少壯極意為樂上悅委彥深掌官爵元文遙掌財用唐邕掌外騎兵馮子宗胡長倩掌東宮上三四日一視朝初推冰以備齊至是齊推冰以備周通鑑陳紀

和干子隋上柱國杞州刺史御史柳或云干子前任趙州百姓歌曰老木不早穀教餘種

穢良田如和干子者弓馬所長也治民非所能也通鑑隨紀

東武劉燕庭氏校鈔

和逢堯岐州人唐武后時負鼎闕下奏書後十年進士及第突厥

默啜請上公主時逢堯御史攝鴻卿報可默啜斂髮紫衣北面再拜稱臣逢堯擢戶部唐興奉使稱逢堯焉九世孫凝

和凝字成績父矩居鄆州好禮文士性嗜酒梁賀環辟凝從事環與唐兵戰敗而走凝隨之環揮之使去凝曰大丈夫當為知己死而既而一騎追環幾及凝射殺之環遂獲克戒諸子曰和生志氣義士也後必富貴乃妻女以凝進士及第各在十三及知貢舉得范質名亦在十三凝曰欲傳衣鉢凝自翰林學士拜同中書門下平章事大傳魯國公范質亦拜相平章大傳魯國公信乎其傳衣鉢也五代史

和詵字子美濮州鄆城也蔭補河北將內班知苛嵐軍閣門使知
雄州右武大夫荊州防禦使相州宣州觀察使鳳公破堅三百
步外轉拱衛大夫荊州防禦使相州宣州觀察使卒贈安化軍
承宣使上谷

麻 風俗通齊大夫麻嬰 麻光漢御史大夫 麻建後漢人

注論語 麻秋廣平人涼州刺史 石趙錄

麻祐隋將軍性酷雪兒童相恐赫曰麻祐來皆怖畏不敢出教今
俗諺麻姑曰麻話皆因此

麻嗣宗唐功臣左金鼓將軍涼國公賜姓李名延昌字藏珍麻察
唐左司郎中

東武劉燕庭氏校鈔

麻希夢青州錄事參軍年九十居臨淄太守訪高年詔至闕下除
尚工部郎致仕子景宗及進士第太興國年其孫曰溫基溫存
祥符年相繼登科世言麻家教子有法 宋

麻仲英七歲能詩侍父官鄜州時翰林宋白謫鄜州聞英仲才名
召賦詩以完沙箋紙李延珪墨諸葛筆并詩贈曰宣豪歛墨并
州紙寄麻家小秀七歲能詩天骨暴生定折桂枝來年十七及
進士第以祿不及養不侍仕隱居臨淄人服其高富弼文彥博俱
判青州致書幣寵籍薦仲英為國子四門博士學者師子年九
十卒 宋

姓纂 巴子國見春秋 前漢巴寡婦清先世擅丹 利世

守其業秦始皇以其真節築女懷清臺云
巴茂漢太常

巴祗後漢揚州刺史

巴蕭字恭祖渤海人後漢黨錮 巴 漢靈帝時安定太守

沙 女南 風俗通百濟八族一曰沙氏 沙正明五代進士 濟陽查祥

沙承贊渤海人

元年以富祿 查陶秦州人南唐近入宋太宗拜監察御史

贈兵部尚書

查道徽州休寧縣人擢賢良科至道二年知果州招安群盜景德
元年以轉運使按郡從者摘路傍棗道令掛錢償值而去 宋

東武劉燕庭氏校鈔

查文徽五邊姓

查許國有鳴弦峯詩木葉蕭蕭江水清幅巾杖梨繞山行忽然行
到山深處聽得鳴弦一雨聲

瑕禽周大夫 瑕叔盈鄭大夫 瑕加晉大夫文十三年 京兆

瑕更漢廷尉 瑕倉漢膠東王相居齊郡子孫因之 家

春秋

桓十五年大王使家父求車 家羨劉劇令 家定國眉人為
永嘉法曹韓師絳帥蜀故平除西道路定國曰蜀近夷恃險除
安絳然之而止

家安國字復禮進士不第從韓存寶征伐得官諸公薦為成都教
授東坡送詩夜談空說劍春夢獨橫經須煩陵雲手去作入蜀

嘉蔭移

星蒼苔高朕室古柏文翁庭山谷贈云家候口吃善著書常願
執戈王前驅朱紱蹉跎晚監郡吟風弄月思天衢

衙

秦穆公食采衙

茶

從加切 茶悞漢書江都易傳王

衙敬卿漢長平令七世同居

茶穎二子條大傳機臨川太守

三國吳志

花

東丘 花敬定杜甫成都猛將有花卿高適傳段子璋反東川節

度李真西川節度崔光遠討平之西川牙將花敬定斬子璋

以獻 花季睦唐倉部員外郎

車

魯國 南平 黃帝臣車臣占曰生氣帝舜後陳敬仲奔齊為魯氏

淮南 河南 漢田千秋賜小車出入因稱車千秋子孫氏漢末

避地魯國漢復姓二車遽民齊大夫車成氏後魏河南官氏志

東武劉燕庭氏校鈔

車焜氏改車氏

車千秋初姓田漢武天漢三年言戾太子寃上拜鴻臚卿四年拜

丞相封富民侯千秋無材學無閥閱無功勞特以一言悟主意

旬月取宰相封侯世未有也昭帝即位詔千秋老賜小車出入

省中稱車丞相遂云車千秋 漢書本傳

車胤字武子家貧苦學夏月練囊聚螢照書讀與吳隱之俱寒素

博學知名又羨賞賞會凡有盛集武子不在坐則皆曰無車公

在則衆賓不樂自國子博士吳興太守丹陽尹 部尚車濟字

萬度金城令

車伊洛東夷部落延和年授西平將軍車路代人魏明元拜忠意

嘉蔭錄

將軍議獄忠恕見重朝

洪州有南昌有余姓今為余余欽唐開元大博學士 余玘祖

余

唐右司侍郎

姚秦錄姚萇后蛇氏兄越旁南安太守 蛇玄建武將軍蛇也

蛇

臨晉太守

東武劉燕庭氏校鈔



